



सानसेयारि **“बड’सा”** खोर्लाइयाव  
स्माजयारि जिउजो लोब्बा थानाय रायथाय, खन्थाय,  
खल’, खल’बाथा आरो दावबायारि थावनि, पार्क  
बाइदिनि स्मायाव लिन्नाय लिन्बिदां दैथाय हर्/  
सानसेयारि **“बड’सा”** खोर्लाइया खेबखानावै  
फोखावोन।  
बड’सायाव लिन्हन्नायनि हुदा खलाम,  
**“बड’सा”** खोर् नोथां, जों बयबो आंगो खलाम।  
**सानसेयारि बड’सा मावखुलि**  
माइबं नोगोर, जोहोलाव दैमालु लामा  
कक्राझार, बिटिसि-783370  
Website: [www.bodosanewspaper.com](http://www.bodosanewspaper.com)

BODOSA ★ A Bodo News Daily ★ Tuesday ★ 27 May, 2025 Kokrajhar, BTC, Assam ★ Vol.-35, Issue No.62 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

## गुजराटनिफ्राय पाकिस्तानखौ मदिनि सांग्रांथि

पाकिस्ताननि लाइमोनफोरा बे हदरनि खात्थि  
सुजुग्राफोरखौ बोसोन होनाया गाहाम: मदि

गोदान दिल्ली, 26 मे: गाहाइ मन्थि नरेन्द्र मदिआ दिनै गावनि नख 'र' राइज्यो गुजराटआव अपारेसन सिन्दुरनि गिबि खेबनि थाखाय सुबुं गौमायाव बिबुंसार लाखिहैदों। बेनि सिगां मदिआ मोनसे रेलिआवबो बाहागो लायो। गुजराटनि भुजआव खुंनाय मोनसे गेवलां मेलआव गाहाइ मन्थि मदिआ पाकिस्तान आरो उदखारि मोनैखौबो मोनसे रावजोंनो गोखों खौरां दैथायहरदों। बिथाड खुद्रिसार गारांजों बुछे, रुटि जागोन ना बुलेट, बेयो नोंथांमोननि सायख 'लायनायनि सायाव



सोनारो।

पे हे लगाम आव उदखारि गाग्लोबनायनि फिन्नाय होनो भारतआ सप्ताह नै सिगां अपारेसन सिन्दुर जागायदोंमोन।

बेनि उनाव सानथामनाडै दरनै हादरनि गेजेख गाग्लोबलायनाय सोलिदोंमोन। बेनि उनाव फेबावदों दरनै हादरनि गेजेख

(□ 6 बिलाइआव)

## तामुलपुरआव मन्थि केशब महन्तआ आबादारिफोरनि मुलाम्फानि थाखाइ बिथांखि बेखेवदों

प्रमद बर'आ दिनै जाय सोलाइनाय लाबोदों, बेजों  
बड'लेण्डआव गोजोन आरो जौगानाय फैदों: केशब महन्त

तामुलपुर, 26 मे: तामुलपुर जिल्लानि नाग्रिजुलि जौगाखां खोन्दोनि सिडाव थानाय बालतिपार गामिआव दिनै मिरु सरकारनि मोनसे बाखायथाव बिथांखि पिएम कुसुम बिथांखिनि गेजेरजों गामियारि ओनसोलनि आबादारिफोरनो खाबु होनाय थांखिजों सलारजों दै जगाइथायनि राहाखौ बेखेवनानै होदों। आसाम गोहो जौगाखां एजेनसिआ मिरु सरकारनि जागायजेन्नाय आबादारिफोरनि मुलाम्फानि थाखाय गोहो सेरेखाथिआव



गोसो होनाय बे बिथांखिखौ आसामनि बिगियान आरो बिरो

दामिन बिफाननि मन्थि केशब महन्तआ हाबाफारिआव बाहागो लानानै बेखेवनानै होयो। बे बिथांखिखौ बेखेवनाय समाव बिरो दामिन बिफाननि

सामलाइगिरि ड० जयदिप बरुवा, नाबार्डनि गाहाइ मावफुंगिरि लकेन्द्र दास, तामुलपुर जिल्ला बेंगिरि पंकज चक्र बर्ती, जिभिएम आरो सेल्क' पाउनदेसननि गावारि आफादफोरनि थान्देफोर बाहागो लानायनि गेजेरजों बालतिपार गामिआव आबादारिफोरनि थाखाइ बे मुलाम्फा गोनां बिथांखिखौ बेखेवनानै होयो। मख'नाय जायोदि, राइजोनि गोबां आबादारिफोरा सोमखोर आबहावाखौ फोजोबसाडजासे सलार गोहोनि गेजेरजों खामानि मावनानै गाहाइ मन्थिनि कुसुम

(□ 6 बिलाइआव)

## न नै सेरफां बियाबआव फैगौ बिसायख 'थिखौ लानानै साखा फारा जाबाय

उदालगुरि, 26 मे: फैगौ सेप्टेम्बर दाननि जायखि जाया समावनो बिटिसि बिसायखिथि खुंनाय जागोन होनानै फोसावदों राइज्यो सरकारआ। बे फोसावनायखौ लानानैनो बिटिसिआव बिसायख 'थियारि बार बारदों। गोहो दखल खालामनायनि दावहायाव ओंखारदों मोनफ्रामबो राजखन्थि दोलोफोरा। लोगो दोलोखौ नागारनानै बिटिसि बिसायख 'थियाव हारसिडैनो



जुजिनो ओंखारदों बिजेपिआ। बेनि उन जानानै थायाखे इउपिपिएल आरो बिपिएफआबो। राइज्योनि खुंथाइ गोहोआव थानाय

(□ 6 बिलाइआव)

## तामुलपुर बियाबनि एमएलए जलेन दैमारनि बाखायथाव हाबाफारि

सा 5 फरायसाफोरखौ बेसेननाडै एनइइटि आन्जादनि थाखाय कचिं होगोन

बड'सा थान्दै/तामुलपुर, 26 मे: तामुलपुर बियाबनि एमएलए जलेन दैमारनि सोलोंथाइ बिथिडाव मोनसे बाखायथाव हाबाफारि। ओनसोलाव सुबुं सम्पद सोरजनायनि असिलायै सोलोंथाइ बिथिखौ दावगाहोनो थाखाय तामुलपुर बियाबनि आवथायाव थानाय सा 5

(□ 6 बिलाइआव)



## अपारेसन सिन्दुर देरहासारनायनि फोर्बो, हादर अनफावरि मेथाइ रेजाबदों सांग्रां आइजो मन्स'आ

कक्राझार, 26 मे: अराय समनि सुथुर पाकिस्ताननि सिडाव हाबहैनानै मोन 9 जायगाफोराव पाकिस्ताननि मदद मोन्या उदखारिफोरनि बादोफोरखौ गाग्लोबनानै सिलिंखार खालामनाय भारतआरि सान्थि हान्जाया अपारेसन सिन्दुर गाग्लोबनाया जाफुंसारनायखौ लानानै दिनै कक्राझाराव सांग्रां आइजो

(□ 6 बिलाइआव)



## मिरु शिल्क बर्डआ हिन्दी राव बाहायनायनि सायाव मावबादा खुंदों

कक्राझार, 26 मे: बिटिआरनि राजथावनि जिल्ला कक्राझारनि कवाबिलआव फसंजानाय मिरु शिल्क बर्ड, मुगा इरि शिल्क वार्म शिड अर्गेनायजेसनआ दिनै सानसेनि हाबाफारिजों हादरारि राव हिन्दीखौ सरकारि मावखुलि खामानिफोराव बाहायनायनि सायाव मोनसे मावबादा खुंदों। मिरु मावखुलि बेंगालुरु आरो गाहाय मावखुलि सिएसबि, मेस', गुवाहाटीनि बिथोन हरनाय बायदियै कक्राझारनि



कवाबिलआव थानाय मिरु शिल्क बर्डआबो दिनै 26 मे

अक्ट'खालि कवाबिलनि

(□ 6 बिलाइआव)

उदालगुरि, 26 मे: मिरु आफादजों लोगोसे गुबुन-गुबुन जिल्ला आरो दख'रा दुलाराय बर' फरायसा आफादआ देगलायनि 2025 ई मायथाइनि मेट्रिक आन्जादआव बर' बिजोंजों फरायनानै उथिसार जानाय फरायसाफोरखौ बरायनाय बायदिनो उदालगुरि जिल्ला दुलाराय बर' फरायसा आफादआबो फरायसाफोरखौ थुलुंगाखां होनायनि थांखिजों सिगां बोसोरफोराव लाबोनाय



बायदि देगलायबो 2025 ई मायथाइनि मेट्रिक आन्जादआव

बर' बिजोंजों फरायनानै उथिसार जानाय टप-10 मासि आवग्रिनानै फरायसाफोर आरो जौसिन गेजेरारि फरायसालिनि जोबथा एबा ओइसएस जोबथा आन्जादआव बर' बिजोंजों फरायनानै उथिसार जानाय टप-3 फरायसाफोरखौ बरायनायजों लोगोसे मान बावदों। उदालगुरि जिल्ला बर' फरायसा आफादनि

(□ 6 बिलाइआव)

## एमपि गौरब गगैआ एपिसिसिनि गोदान आफादगिरि सायख' जाबाय



गुवाहाटी, 26 मे: फैगौ 2026 आव खुंजानो गोनां आसाम बिधान सभा बिसायख 'थिखौ नोजोर होनानै आसाम राइज्योआरि कंग्रेसआ मावफुं आफादखौ गोदानै दाफामफिनबाय। दोलोनि

सुलुडाव फोसावनाय बायदियै कलियाबरनि एमपि गौरब गगैखौ आफादगिरि सायख 'नायजों लोगोसे जाकिर हुसेइन सिकदार, रज'लिना तिकर्ी, एमएलए प्रदिप सरकारमोनखौ मावफुं आफादगिरि महरै सायख 'नाय जायो। बेराफारसे बे गोदान मावफुं आफादआव सिगांनि आफादगिरि भुपेन बरानो बिसायख 'थि फोसावदिं आफादनि बिबान होनाय जायो।

(□ 6 बिलाइआव)

## गसाइगावनि कासियाबारि गाक्साआव सानसेनि हाबाफारिजों जोलुर बादायलायनाय खुंनो साखा-फारा

गसाइगाव, 26 मे: प्रफेसार राहुल नार्जरीनि देदेनाय नार्जरी फार्मनि रांखान्थि मददजों जमदुवार मन्दल बिजेपि आरो बाक्सा सिरोमसि क्लब काम लाइब्रेरिनि बान्जायनायाव सानसेनि हाबाफारिजों जोलुर बादायलायनाय खुंनो थाखाय थांखि लानाय जादों। गसाइगाव महखुमानि सिडाव थानाय कासियाबारि गाक्सा गामिआव जागोन 27 मे मंगलबारखालि सानसेनि हाबाफारिजों खुंजागोन बे जोलुर बादायलायनाया। बे



जोलुर बादायलायनायाव ओनसोलनि गासै मोन 8 जोलुर हान्जाफोरा बाहागो लागोन। बेनिफ्रायनो बे जोलुर बादायलायनायाव बाहागो

लानानै गेलेगिरिफोरखौ थुलुंगा होफैनो आरो हाबाफारिखौ जाफुंसार होनो थाखाय गसाइगाव आरो कासियाबारि

(□ 6 बिलाइआव)

## 19 जुनआव आसामनि मोनै राइज्यो सभानि मासिनि थाखाय बिसायख 'थि जागोन

गुवाहाटी, 26 मे: भारतआरि बिसायख 'थि आयगआ मोनसे बिथोनमानि गेजेरजों फोसावनाय बायदियै फैगौ 19 जुनआव आसामनि मोनै राइज्यो सभानि बिसायख 'थि खुंजागोन। आय'गआ बेखौबो फोसावदोंदि, बिसायख 'थि खुंनायनि उनावनो बेनि फिथाइखौबो फोसावनाय

जायो। बिसायखिथिनि थाखाय 2 जुनआव बिसायख 'थियारि हाबाफारिखौ फोसावनाय जागोन। बेनि उनाव 9 जुनआव नमिनेसन लाइ गथायनायनि जोबथा सान फोसावनाय जादों। लोगोसे 12 जुन अक्ट'आव नमिनेसन लाइ बोखानानै लानायनि

(□ 6 बिलाइआव)

## खाग्राबारि भेरागावआव सेरिकालचारबिफाननिफ्राय सेक आरो बिफां फुलि गाइदों मावफुं सोद्रोमा दावबायसा बर'आ

उदालगुरि, 26 मे: उदालगुरि जिल्लानि खाग्राबारि भेरागावआव दिने 26 मे अक्ट' खालि सेरिकालचार बिफाननिफ्राय सेक रान्नाय आरो बिफां फुलि गाइनायनि

(□ 6 बिलाइआव)





सुजुगिरिनि खोलोम

इयुन जोलैखौं रैखाथि होनाया बयनिबो मावनांगौ बिबान

आइजो माहारिखौं भारतीय समाज राहायाव गोजौं मासि होनाय जायोब्लाबो बाइदिसिना बिथिडव गोबां समाव बाइदिसिना जाहोननि असिला लानानै उतखार खालामना गोजौं मान होनायनि मासिखौं नेवसिबोदों, लाजिफोनांबोदों। मुडावल 'गोजौं मान होनायनि बाश्रा बुंनानै आधिकाल मुलुक नाडैनो आइजोफोरनि सायाव इनाय-उतखार खालामनाया बांबोदोंब्लाबो बेनि सायाव होबथानो राहा हिसाबैं आयेननि खान्थिखौं नेवसिनानैब्लाबो उतखारनि हाबाया जोबनानै फैयाखै आइजोफोरनि सायाव उतखार खालामनाया न'नि सोरगिदिं जेवरानि सिडवल' थाबथानानै थायाखै- लांगोना मोखांनिफ्राय लानानै गुबुन गुबुन थावनिफ्रावबो आइजोफ्रा मान-इज्जोद लुथि जानानैल' बारग'थाखै जिउबो गारनांगौ जादों गोबां समाव। मान इज्जोदयावल' आइजोफ्रा इनाय उतखारजों नासय जानानै थायाखै- साखि बाखिनि बेलायावबो बखाखौं बाडाय मोनबोनायाव आधिकालसिम हौवा माहारिजों समानै दावखो लांफानो खाबु मोनाखै होन्नानै सान्नाय जायो। समाजयारि आसार खान्थिनि गोखों बेंखन्थायाव थानानैब्लाबो जिउनि दावहाथिलियाव ओंखार बोनाय गोबां आइजो माहारियानो बाइदि समाव- गोसोयारि, देहायारि आरो आथोनारि बिथिडै उतखार खालाम जानायल' नडा-आवसारि मुवा- बेसादफोरबादि बाहायजानो नागिरनाय बिसोरनि दाहा दावदाबखौं फोरमायनानै फोजोबनांगौया गोब्राब आथिखालनि मुगायाव।

आथिखाल बाइदिसिना राहा आरो सोलोजों रोंनाय-रोडै लांखारग्रा माखासे हान्जानि आखाइयाव गोरलैनानैबो गोबां आइजो,हिन्जावसा बोलि जानानानै जिउखौं खोमसि लामाजों आगान सुरनांगौ जानानै फैदों। रां आर्जिनायनि गोरलैं राहा हिसाबै आइजो लांखारग्रा सुरां फालांगि हान्जाफ्रा जैरै आइजोफोरनि फासैं इनाय-अनागार राहाजों नांथाबो बिब्दिनो आथिखाल जौथुबनि मुडावबो गोबां आइजोफ्रा इनाय-उतखार खालामजायो। बेफोरनि अनगायैबो आथिखाल हिन्जावसा खामानि मावग्राफोरनि सायाव देहायारि, गोसोयारि साजा होनायनिबो खौरां ओोखारफ्लाइयो। बेफोरबो मोनफा मोनफा समाजनि गाराय।

नोजोर होथावनादि- लांखारनाय,इनाय-अनागार खालामनायनि गेजेरजों समाजयाव मिबथिफेरै ,खोनाफेरै बाइदिसिना गिखंथाव आजारफोरबादि समाजयाव गुबुन मोनसे बियाद हाबफै नायनिफ्राय समाजनि इयुन जोलै फोरखौं रैखाथि होनायनि समाजया सांग्रां जानांसिगोन।

दिनैनि फान्जामुथि

राशि बाइदियै मुंनि गिबि हांखो

|            |                 |                  |
|------------|-----------------|------------------|
| मेषः अल    | बृषः ऊब (उ ए इ) | मिथुनः क छ (ड घ) |
| कर्कटः ड ह | सिंहः म ट       | कन्याः प ठ (ण ष) |
| तुलाः त र  | वृश्चिकः ब न    | धनुः ध भ (ढ़ फ)  |
| मकरः ख ज   | कुम्भः ग श (स)  | मीनः द च (ख ज झ) |

मेघः गोसो सिडव माखौबा लानानै गिखांनाय मोन्नो हागौ। गोसोखौं लोरबां लानो नाड।

बृषः सोरजोंबाफोर फोथायखेबस' खालाम जानो हागौ। गोसोखौं शान्ति गैयै मोनगोन।

मिथुनः जैरैबो रंजा-बाजा खालामनो हागोन। गोजोनै सम बारहोनो हागोन। मोजां सान।

कर्कटः जेबो जेंना-जेंसि गैयै सुखुखौं मोन्दांनो हागोन। फारफ्रोमथिबो मोजां।

सिंहः माबाफोर मोजां खामानि मावनानै लानो हागोन। बे रसिनि थाखाय गोथार सान।

कन्याः सोरनिबा थाखाय रां खरसा जानो हागौ। थाखानाय रांआ जोबसांनो हागौ। गोसोखौं हमथा।

तुलाः बहाबाफोर दावबायहैनो मोन्नो हागौ। गोसोखौं गोजोन मोनगोन मोजां सान।

वृश्चिकः दिनैनि दिनआव गोबां रां खहा जानो हागौ। गोसोखौं शान्ति मोन्नाय नडा।

धनुः नख'रखौं सुबु-गोजोनै दैदेनलांनो हागोन। जैरैबो जौगानायखौं मोनगोन।

मकरः मानिबाफोर आसा खालामनाय दडबा जाफुंसारगोन। गोसोखौं गोजोनव मोनगोन।

कुम्भः जेखि खामानि मावा हेंथा मोन्नो हागौ। सान्नाया जाफुंनाय नडा।

मीनः सोरजोंबाफोर मानिबा दायआव सोमोन्दो गावस्नालायनाय जानो हागौ। गोसोखौं हमथा।

## अपारेशन सिन्दुरखौं जाफुंसार होनाय सा-सोनाब कामानआव सिडिएस चौहानआ दावबायदों

गोदान दिल्ली, 26 मे: चिफ अफ डिफेन्स स्टाफ जेनेरेल अनिल चौहानआ रबिबारआव सा आरो सोनाब कामानफोराव भारतीय सान्श्रिनि दावहानि थियारि खालामनायफोरखौं नायसंदों। जेनेरेल चौहानआ अपारेशन सिन्दुरनि समाव गाहाइ बिफाव लानाय मोन्नै मख'जाथाव कामानफोराव उतखारि ने टवाकं खौं फोजोबसांनाय, सुथुरनि केम्प एबा खुलिफोरखौं सिलिंखार खालामनाय थामहिनबा जाफुं'होनायखौबो बाज्नायो। बिथाड मोन्नैबो कामानफोरखौं सुथुरनि गाग्लोबनायाव ख'हा जानांनाय नोगोरारिफोरखौं मदत होनोबो खावलायो।

उद्यमपुरआव सिडिएसखौं थिंखिफोरखौं बागै मिबथिहोयो। हारियाणानि चन्डिमन्दिरआव जेनेरेल अफिसार कामान्डि-इन-चिफ लेफ्टिनेन्ट जेनेरेल मनज कुमार कटियारआ सिडिएसनो अपारेशन सिन्दुरनि समाव सोनाब कामानआ बिफाव लानायनि बागै मिबथिहोदों।

## हादरआव करनाजों साननैनि गेजेराव सानै सुबुंफोरनि जिउ गोमादों

गोदान दिल्ली, 26 मे: हादरआव करनानि केसआ फिन खेबसेबाव बांफिन्नो हमदों। केरेला, कर्नाटकनि उनाव आथिखालाव महारास्ट्रआव लात्थिन्थ्रै कभिड केसआव बांनायखौं नुनो मोनगासिनो दड। बेनि गेजेरजों माखासे राज्ज्योफोरनिफ्राय थैनायनि केसबो नुजाथिदों। हादरआव दासिमआव एक्टिभ बेरमिफोरा 363 आव रेकर्ड खालामो।

## इजराइलआ आमेरिकानि थान्दै मावख'नि सायाव गाग्लोबनो नाजानाय दायनिगिरिखौं ग्रेप्टार खालामदों

गोदान दिल्ली, 26 मे: इजराइलआव आमेरिकानि थान्दै मावख'खौं सावनानै सेवहांगार खालामनो नाजादों। आथिखालाव आमेरिकानि थान्दै मावख'नि सायाव गाग्लोबनो नाजाग्रा दायनिगिरिखौं ग्रेप्टार खालामो। आमेरिकानि बिजिरगिरि बिफाननि बायदिब्ला, सासे सुबुंखौं रबिबारखालि निउयार्क आव ग्रेप्टार खालामो, जायखौं इजराइलनि बिबानगिरिफोरा हादतनिफ्राय दिहुनहरो। सुलुडाव फोरमायनाय बायदिब्ला, 28 बोसोर बैसोनि जसेफ न्युमेयर, जाय जुथाय राइज्यो आमेरिका आरो जार्मानीनि नोगोरारि, बिखौं जन एफ केनेडी एयारपर्टनिफ्राय जिम्मायाव लायो। आमेरिकानि बिजिरगिरि बिफाननि बायदिब्ला, न्युमेयरआ मलटभ ककटेल बाहायनानै फायारबम गाग्लोबनो नाजादोंमोन आरो आमेरिकान आरो आमेरिकानि हादतगिरि डनाल्ड ट्राम्पनि हेंथायै अनलाइन हिंसायारि जाथाय सोमजिहोनायनि हुमखि होदोंमोन। न्युमेयरआ थांनाय दानाव इजराइल सौहैदोंमोन आरो थांनाय सप्ताहआव अभिवआव थानाय आमेरिकानि थान्दै मावख'आव थांदोंमोन। बिजिरगिरि बिफाननि बिबानगिरिफोरनि बायदिब्ला, बिसोर बिल्डिंनि बायजोआव सासे रैखाथि गार्डजों आरो जेब्ला गार्डआ बिसोरखौं हमनो नाजायो अब्ला बियो बेगखौं सेख'ना खारो। बियो सशेल मिडियाआव तेल अभिवआल थानाय थान्दै मावख'खौं सावनायाव आंजों लोगोसे बाहागो ला होन्ना पस्ट खालामदोंमोन। गुबुन मोनसे आलादा पस्टआव बियो डलाम्ड ट्राम्पखौं सशेल मिडियाआव एटलस लाइट कम्पानी मुंनि कम्पानीनि गायसनगिरि आरो सिइअ होन्ना दाबि दैखाडो। बे बेगखौं नागिरनायाव मोन 3 इम्प्राभाइज्ड एक्सप्लसिभ डिभाइस बोखाडो, जायखौं सरसनस्त्रायै मलटभ ककटेल मुंजों मिबथिनो मोन्नाय जायो। बेखौं गारोब्ला अर जोंखाडो। बेनि उनाव न्युमेयरखौं बनि हटेलाव ट्रेक खालामनानै इजराइलनि पुलिसआ ग्रेप्टार खालामो।

## सोलोंथायनि गुबै थांखि

-फैलाव ब्रह्म,तामुलपुर

“सोलोंथायनि गुबै थांखिफोरा जादों- सासे सुबुंनि देहायारि,गोसोआरि,समाजारि, धोरोमारि आरो खान्थियारी जौगाथाय होनाय”- महात्मा गान्धी।

सोलोंथाइनि ओंथिखौं मिथिनायजों लोगोसेनो बेखौबो मिथिनाया गोनांदि सुबुंनो सोलोंथाइखौं मानो गोनांथि दड। सुबुं सोलोंथायनि गोनांथिखौं बेखेवनानै भारतनि सासे लाइमोन दार्शनिक स्वामी बिबेकानन्दआ बुंदोंमोन, “जाय सोलोंथाया सुबुंनो नंगुबै गोजोन लाबोनो हाया, बेयो नंगुबै सोलोंथाय जानो हाया।” स्वामी बिबेकानन्दनि बेखेवनायनिफ्राय जों रोखायै बुजिनो हायो दि गोजोना सुबुंनि लुबैनाय गिबि थांखि। सुबुड बै गोजोनखौं आबुं खालामनो थाखायनो सोलोंथाय लायो। बेनिखायनो सुबुंनि गोसोआव गोजोन दानो नाजानायानो सोलोंथायनि थांखि।

जौनि समाजनि बांसिन बिमा-बिफाफोरा गावसोरनि गथ'फोरखौं डाक्टर, इन्जिनियार आरो गिदिर मावख'गिरि जानो थाखाय थुलुंगा होनायखौनो थार लामा दिन्थिनाय जादों होनना साननाया गोरोन्थि। मानोना डाक्टर आरो इन्जिनियार जानाया सोलोंथायनि गुबै थांखि जानो हाया। सुबुड लुबैनाय गुबै थांखिया गोजोन। डाक्टर आरो इन्जिनियारा गोजोनसिम सौहैनायनि मोनफा मोनफा बिजों। बेनिखायनो डाक्टर आरो इन्जिनियारनि अनगायैबो गोजोनसिम सहेनायनि गोबां गोरलै गोरलै बिजोंफोर दंबावो जायफोरखौं जौनि बिमा-बिफाफोरा गोनांथि दड होननानै सानफेरा।

फोथायनाय, मिजिंथिनाय आरो मोजां मोननाय-बे मोनथामा सुबुं जिउनि गोसोआरी सम्फद। बे मोनथामखौं गोसो फोथाराव आबादफोरखौं बायदि गायनाय आरो फेदेरनाया सोलोंथायनि देरसिन थांखि जाथारनांगौ। सोलोंथाया मानसिनो मुवानि बागै गियान होयो आरो बे गियाना सुबुंफोरनि गोसोआव फोथायथि लाबोयो। फोथायनाया मानसिफोरनि बयनिखुइबो गोनांसिन सम्फ्थ। मानोना फोथायनाय गैयाब्ला सुबुंफोरनि गोसोआव मोनसे सन्देह आरो गिनाय थायो आरो बे सन्देह आरो गिनाया सुबुंनि गोजोनखौं लुथिनानै सुबुंखौं अशान्थि खालामो। खोमसिखौं होखारनो थाखाय जैरै अरनि गोनांथि जायो, थिक बिदिनो सुबुंफोरनि सन्देह' आरो गिनायखौं फोजोबनो थाखाय सोलोंथायनि गोनांथि जायो।

मिजिड सुबुं जिउनो सहायनो फोरोडो। मानोना इयुनाव माखौबा मोननो जुनै मिजिं खालामनानै सुबुड रोजा रोजा खौंफोदखौबो सहायनो आरो नेनो हायो। मिजिंजों आबुं जानाय सुबुड जिउनि खवातखौं मोननानै गोबाव सम थानानै थानो गोसो जायो। गुबुन फासैं मोजां मोननाया सुबुंखौं बिबारफोर बायदि बारहोयो। मानोना मोजां मोननाय गोनां सुबुड अरायबो खुसियाव थायो। मोजां मोननायजों आबुं सुबुड जिउवाव आरोबाव माबा मोनसे मोननो आद्रा थानाय बायदि साना। जिउवा बनि जुनै खवात गोनां आरो थोजासे।

आथिखालाव समाजाव बांबोनाय सिखाव-डकाइत,जाख्ल'नाय आरो सुबुंफोरखौं बुथारनाय बायदि बायदि दायगोनां जाथाय बांनायनि गुबै जाहोनानो जादों सुबुंनि गेजेराव समाजारि सोलोंथायनि आंखाल जानाय बेनिखायनो समाजनिफ्राय बै समाजारि गात्रिखौं बोखारनो थाखाय गथ'फोरखौं समाजारि सोलोंथाय होनाया बिमा-बिफाफोरनि बिबान। आथिखालनि सोरखार, मेलेमजिबि आरो बिमा-बिफाफोरनि मावनांगौ हाबाया जादों समाजारि आरो गावारि जिउआव गोजोन लाबोनो थाखाय गोसोआरी सोलोंथाय बिथिडव गोसो होनाय।

भारतआ गोदान सोलोंथाइनि मुडव सोनाबारी सोलोंथाय खान्थिखौं बोजबनानै सोलोंथायनि बिथिडव खायसे गोरोन्थि खालामदों। मानोना गोदान सोलोंथाय खान्थियाव बेसातारीनि सोलोंथायखौं बांसिन गोसो होनानै गोसोआरिनि सोलोंथायखौं खम नोजोर होनाय जादों। जाहोनाव दिनै सुबुंनियाव मुलुगनि बागै दलाम गियान दडनाथाय गावनि बागैनो बिनियाव थोजासे गियान गैया। मुलुग गोजोननि थाखाय, सुबुंफोरनि बिखायाव मिजिं, फोथायनाय आरो मोजां मोन्नाय बायदि गोसोआरि आयदाफोरखौं जौगाहोनाया जोबोद गोनांथार जाबाय। गोसोआरि गियान गैयैनि जुनै गोसोआव सोमजिनाय मुगैनाय, सन्देह, बोराबनाय, हिंसानाय आरो अनगारी बायदि बायदि गोसोनि बेराम जानायनि जाहोन आरो बैफोरखौं होखारनायनि लामाखौं मिथिथैयाव सुबुड अशान्थिजों जिउ खुंनांगौ जादों। जाहोनाव सुबुड गावनि गुबै थांखि गोजोननिफ्राय दोरोदनानै दड।

मुतुगाव दिनै दावहा आरो हिंसा बांनायनि जाहोना जादों गोसोआरि सोलोंथाय लाहोनायाव फेलें जानाय। बोराबनाय,लुबैनाय हिंसानायनि गोसोआरि बेरामखौं मानसिया दफथायनो हायैनि जुनैनो दिनै बहुमनि गंसे हादोरा गुबुन गंसे हादोरनि सायाव गाग्लोबनानै बहुमखौं असान्थि नोरोगनि महर होदों। गावनि गोजोननि जुनै जायफोर हाथियारफोरखौं दादों दिनै सुबुड बै हाथियारजोंनो सिलिंखार जानो हमदों। सुबुंनि बेफोर आखुनिफ्राय सन्देह' जायोदि दिनै सुबुड जौगाखो ना गोलैखो। गावखौं सोलो गोनांसिन होननानै सिनायथि होग्रा सुबुड गाव सोरजिनाय हाथियारजोंनो फोथैजानो गोनां मानो जाखो? गुबुन जेबो नडा,बेयो सुबुड गोसो सामलायनो हायैनि, सोलोंथायाव फेलें जानायनि बेयो मोनसे रोखा बिदिन्थि। जाय सोलोंथाया सुबुंखौं रैखाथि होनो हाया,जाय सोलोंथाया सुबुंखौं बनि लुबैनाय थांखि गोजोनसिम लांनायाव फेलें जादों बे सोलोंथाया गोरोन्थि। बे सोलोंथायखौं सुबुंनो गोनांथि गैया।

## सा-सान्जा राइज्योफोरावबो इन्भेस्टमेन्टआ बांगासिनो दड

गोदान दिल्ली, 26 मे: मिरुआरि मन्थि ज्यतिरादित्य सिन्धियाआ सानैनि राइजिं नर्थइस्ट समिटआव ओन्सोलाव 4.3 लाख कौटि रॉनि इन्भेस्टमेन्ट खालामनायनि थांखि मोन्दों होन्ना बुडो। बे जथुम्मायाव सा-सान्जा राइज्योफोरनि इन्भेस्टमेन्ट खालामनायनि सन्देहफोरखौबो दिन्थियो। शिखर जथुम्माखौं 23-24 मेआव खुंनाय जादोंमोन, जेराव गासै सा-सान्जा राइज्योफोरनि गिबि मन्थिफोर, मिरुआरि मन्थिफोर, उद्यमआरि मुलुगनि दैदेनगिरिफोर, राजथान्दैफोर आरो गुबुन सुबुंफोरा बाहागो लादोंमोन। सा-सान्जा ओन्सोल जौगाखां मन्थि ज्यतिरादित्य सिन्धियाआ बुडोदि, बिफानआ गाहाइ बिथिंफोर, आबाद, गेलेनाय, इन्भेस्टमेन्टनि गोसो फुदुंनाय, दावबायनाय रांखान्थियारि आयदा, गुदि बिथा, जि-जोम आरो जुनात फिसिनायाव मोन 8 गोजौं थाखोनि हाबा मावग्रानि गोहो दायो, जायजों दरफ्रोम राइज्योफोरा गावसोरनो थियारि खालामनो हायो। बिथाड बुडोदि, सा-सान्जा ओन्सोल जौगाखां बिफानआ इन्भेस्टमेन्ट खालामग्राफोर, गुबुन हादतआरि राजथान्दैफोर आरो रांखान्थि दैदेनगिरिफोरजों लोगोसे गुबुन गुबुन गेदेमा सुबुंफोरजों लोगोसे सावरायगासिनो दड आरो बिसोरखौं सा-सान्जा राइज्योफोराव इन्भेस्टमेन्ट खाबुफोरखौं मिबथिनो थाखाय थुलुंगा होगासिनो दड। बिथाड बुंबावोदि, थांनाय 1 बोसोराव बिफानआ बे बिथिडव गुवारि हादतनाडै आरो हारिमायारि बाहागो लानो नाजानायखौं दैदेनो।

NAME CORRECTION

That, my actual and correct name is **JABED ALI SHEIKH** which is recorded in my Aadhaar Card, Vide No. **9286 6923 5265** and other relevant documents and my father’s actual and correct name is **DAYADDI** which is recorded in my all relevant documents.

That, in the Land Holding Certificate of land records, Vide **Patta No. 32 and Dag No. 105** situated at Village.- Sonamoyeepara under Kokrajhar Revenue Circle, Kokrajhar wherein my name has been wrongly recorded as **JOBED ALI** instead of my actual and correct name **JABED ALI SHEIKH** and my father’s name has also been wrongly recorded as **DAYADDI SHEIKH** instead of his actual and correct name **DAYADDI**.

That, I do hereby declare that **JABED ALI SHEIKH** and **JOBED ALI** is the same and one identical person i.e. myself and none other else.

That, I further declare that **DAYADDI** and **DAYADDI SHEIKH** is the same and one identical person i.e. my father and none other else.

Jabed Ali Sheikh

S/O.- Late Dayaddi

Vill.- Sonamoyeepara

P.O.- K/Bhotgaon,

P.S. & Dist.- Kokrajhar, BTR, Assam



# बांलादेशनि मोननै चिकेन नेकआ बयनिख्रुइबो गिख्रंथावसिनः हिमन्त बिश्व शर्मा

गुवाहाटी, 26 मे: आसामनि गिबि मन्थि ड॰ हिमन्त बिश्व शर्माआ फिन खेबसेबाव चिकेन नेक करिडर आयदाखौ दैखांदों। गिबि मन्थिआ बांलादेशनो बेनि मोननै चिकेन नेकखौ गोसोखांहोनानै बुंदोंदि, बिसोरो रैखाथि गैयै जानानै दड। मख'जाथावदि, गिबि मन्थि शर्मानि बिबुंथिआ एरैबादि समाव सोराडव फैदों, जेब्ला बांलादेशनि एन्टेरिम सरकारनि गाहाइ महम्मद युनुसआ भारतनि चिकेन नेक करिडरखौ लानानै नंखाय दाबि खालामदोंमोन। बिताड 21 मेआव चीनआव दावबायहैनैनाय समाव बुंदोंमोनदि, भारतनि सा-सान्जा ओन्सोलआ हा बाहागोजौल' बे'खन्नाय। बे



बिबुंथिखौ लानानै गिबि मन्थि शर्माआ फिनजाथाय होदों। बिथाड बुंदोंदि, बांलादेशहा मोननै चिकेन नेक दड आरो बे मोननैबो रैखाथि गैयै। गिबिआ जादों 80 कि:मि:

गोलाव सा बांलादेश करिडर, जाय खोला दिनापुरनिक्राय खोला-सोनाब गार' हिल्ससिम। शर्माआ बुंदोंदि, जायखि-जाया गोख्रों खान्थिआ गासै रंपुर

डिभिजनखौ बांलादेशनि गुबुन बाहागोफोरनिक्राय आलादा खालामनो हागौ। नैथि करिडरआ जादों 28 कि:मि: गोलाव चटाव करिडर, जाय खोला त्रिपुरनिक्राय बांलादेशनि

बोरिसिम। भारतनि चिकेन नेकनिक्रायबो फिसासिन बे क रिडरआ बांलादेशनि राजथावननि गेजेरव मोनसेल' फोनांजाबनाय। बिथाड भुमखौरडरि थासरिखौल' बुंदों, जायखौ माखासे सुबुंफोरा बावगारनो हागौ। भारतनि सिलिगुरि करिडर बायदि जौनि न'सुंसे हादरआवबो मोननै मख'जाथाव करिडर दड। भारतनि चिकेन नेक, जायखौ सिलिगुरि करिडर होन्नानै मिथिनाय जायो। बेनि हा बाहागोआ मोनसे संकनि बिखुं बादि, जायनि गुवारआ 22 कि:मि:-35 कि:मि: जागोन आरो बेनो सा-सान्जा भारतखौ हादरनि गुबुन बाहागोजौ सरजाबना लाखियो।



गुवाहाटी, 26 मे: मेघालय पुलिसआ सान्जा खासि हिल्स जिल्लायाव बेरायनाय समाव इन्दरनिक्राय जरासे कापोलआ गोमानायनि उनाव मोनसे नागिरनाय हाबाफारि जागायो, जायजों बिसोरनि रैखाथिनि सोमोन्दै गोथैयो जिंगा सिनाय सोमजियो। बे कापोलनि सिनायथिखौ 29 बोसोर बैसोनि

राजा रघुवंशी आरो बिन सिबि सनम मुडै होदों, जायफोरा चेरापुन्जी महरैबो मुंदांखा सहरखौ नायसंनो थाखाय गंसे साखा खबनै गारिखौ भारा लादोंमोन। बे जराखौ पुलिसआ रबिबारखालि ओन्सोलाव जोबथा खेब नुदोंमोन होन्ना खौरां होयो। बिन बिदा एबा फं बाय

गबिन्द रघुवंशीआ पुलिसनो खौरां होयो, जेब्ला बिसोरजों सोमोन्दो लाखिनायाव फेलें जायो। सानैनि फनआ रबिबार हरनिक्रायनो बन्द' होन्ना बियो रिपट खालामो। बेनि फिन्नायाव पुलिस टिमफोरा ओन्सोलखौ नायबजिरनो जागायो। बिसोर जायगानि हटेल आरो हमस्टेनि मावसुमाफोरनाव जेरा सेबगासिनो दड आरो गारि भारा होग्रा एजेन्सिफोरजोंबो सोमोन्दो लाखिगासिनो दड। बिबानगिरिफोरा जायगानि था गिबि फोरखौ नायबजिरनायाव मदत खालामनो खावलायदों।

## एएसइडनि बारग' दैदेनगिरि शंकर ज्यति बरुवाआ जामिन मोनबाय



गुवाहाटी, 26 मे: गुवाहाटी हाइ कर्टआ समबारआव शंकर ज्यति बरुवा आसाम फरायसा आफाद (एएसइड) नि बारग' गाहाइ नेहाथारिनो जामिन होयो। बिखौ पुलिसआ डुलियाजानआव बि.एन सिंह पेट्रल पाम्पआव बावैसो सिगां जानाय दाडाबाजनि केसआव हमदोंमोन। बिबानगिरिफोरा बै समाव बरुवाजों बे'कनाव

लादोंमोन, जेब्ला पेट्रल पाम्पआव मोनसे सरासन्त्ता बुलायनाया आसामआव गिदिर दावयनि महर लादोंमोन आरो राजखान्थियारि जे'ना नुजाथिदोंमोन। गोबां हादतयारि मोन्थाइ हान्जाफोरा बिसोरनि हमनायखौ सोंखारिदोंमोन। बिर लाचित सेनाया बेखौ गोख्रों रावजों

सोंखारिदोंमोन। बेनि दैदेनगिरि श्रिकहल चालिहाया बे जाथाइखौ हादतनि आंगो सुबुंफोरनि हेंथायै थांखि खालामनाय होन्ना बुंदों। बे समावनो गाहाइ दायनिगिरि चान्दु शाही, जायनि सायाव असमिया हारिनि हेंथायै अपमान गोनां बिबुंथि होनायनि दाय दडबियो दासिमबो उदाडै दड होन्ना बुंदों। हेफाजाबगिरिफोरा कर्टनि थांखिखौ बयबो आरो बेखौ मोनसे नारसिन्थाइनि हेंथायै थांखि लानाय नोजरै नायो।

## मनिपुर पुलिसआ साथाम उतरखारिफोरखौ हमदों



सदामआ बिशुपुर जिल्लानि क्लवक्ता खुमरनि थागिबि। बिखौ थौबाल जिल्ला

मावख'आव अफिसिएली हमनाय जायो। पुलिसनि नायबजिरनायनिक्राय मिथिनो मोन्दोंदि, सादामआ मोनसे गुवार गेनाखान्थि हाबाफारिखौ सालायागसिनो दडमोन। बियो निखावरि बिमा-बिफाखौ थगायनानै फरायसालि आरो फरायसालिमाफोराव आइन

बेरेखायै थिसन्थाय होनायनि खोथा होयोमोन आरो रां लायोमोन। बिबानगिरिफोरा बिनिक्राय माखासे लेखा बिलाइ आरो इलेक्ट्रनिक जोन्थोरफोरबो बोखानो मोन्दों। बे सानआवनो पुलिसआ नाम्ब्राम अमुजाअ सिं, जायखौ लंकपा मुडै बो मिथिनाय जायो बिखौबो हमो।

बियो इडनाइटेड नेसनेल लिबारेसन फ्रन्ट (पाम्बेइ) नि 25 बोसोर बैसोनि ससे केडार। बिखौ बिष्णुपुर जिल्लायाव मइर सेन्द्रा रडनि कइरें मुसुखा सेरनिक्राय हमनाय जादों। चुराचान्दपुर जिल्लानि थागिबि सिंआ मइर कलेज रेहाय बादायाव थायोमोन। बियो जायगानि बिष्णुपुर, इम्फल ओन्सोलाव नोगोरारिफोरखौ थांखिनानै जरजुलुमै रां बोखाडोमोन। बिसोरनि अनगायै 25 मेआव पुलिसआ इम्फल सोनाब जिल्लानि पटसइ पार्टी-आइ गामिनिक्राय चलांबा मुडै मिथिसारजानाय वाहेंबम इसाइल सिंखौ जिम्मायाव लायो। 47 बोसोर बैसोनि केसिपि के डारआ थोंजोडै रां खानाय हाबायावबो दंफायोमोन।

## बडाइगावआव सफ्ट ड्रिंकआव जेना गोनां मुवा मोन्दों



बडाइगाव, 26 मे: आसामनि बडाइगाव जिल्लानि बइतामारिआव थानाय धकनाबारिनिक्राय मोनसे जाथाय सोराडव फैदों, जेराव गंसे सिल गोनां माजा जुसनि बथलआव 10 रॉनि मोनसे इनएक्टिभ साब्सटेन्स एबा बिष गोनां मुवा मोन्दों। बे बथलखौ

मोनसे सेल्फ हेलफ ग्रुपनि सोद्रोमाया मोनसे मावख'आरि जथुम्मानि समाव लाबोदोंमोन। सुलुनि बायदिब्ला, सिआरपि महमुदा खालुनआ एस एडस जि जथुम्मायाव बाहागो लाग्रा सोद्रोमाफोरनि थाखाय लोंग्रा मुवाखौ लायदोंमोन। अदेबानि बियो जायगायाव बै लोंग्रा

मुवाखौ लोडालासे न'आव लानानै थांदों। जेब्ला न'आव लोंहैयो अब्ला बेनि सोंथावै मुवानि बागै मिबथिनो मोनो। गथ'फोरा बे लोंग्रा मुवाखौ खुगायाव बोना लांनायनि उनाव खुगानिक्राय माबा मुवा दिहुन्ना बेयो मा होन्ना सोंथि खालामो। बेखौ नुनानै बयबो सोमो नाडो। नाथाय बेयो मामोन रावबो सिनायनो मोनाखै। बे बाश्राखौ खाते मुनि सुबुं, जा ड्रिंक लानानै बेबायदि जाथाय जाहेंदों बियो फोरमायदों। बे जाथाया पेकिं खालामनाय लोंग्रा मुवाफोरव आदार रैखाथि आरो गुनखौ सामलायनायनि बागै गोब्राब जिंगा सिखांहोयो। जर'खायै लोंग्रा मुवाफोरनि थाखाय जायखौ गामिआरि आरो सेमि-टाउन एरियाफोरव साप्ताइ खालामनाय जायो।

## गोबां अखा हानायजों डिमापुरआ जेरैबो दैजों बुंफबदों

गुवाहाटी, 26 मे: रबिबार फुडव रोजा अखा हानायजों नागालेण्डनि डिमापुरआव मोनसे गुवार बाहागोआव दै लोमसावो, जाउनाव गोबां नख'रफोरा जेनायाव गोल्गैयो आरो सहरनि गोजाम दै थानाय एबा ड्रेननि जेनाया सोराडव फैयो। माखासे घन्टानि गेजेरावनो दैआ न'-न' हाबो आरो गाहाय ओन्सोलफोरनि थागिबिफोरा मुवा-बेसाद लानानै रैखाथि गोनां जायगायाव खारलाना थाहेंनाडो। धबिनाला, सुचु कलनी, बर्मा



केम्प, मारवाडिपट्टि आरो वेस्ट यार्डआव बांसिनै दै लोमसावो। बैफोर जायगानि सुबुंफोरा बुंदों, गावसोर 10 बोसोरनिक्रायनो दै लोमनाय जेनाजों मोगा-मोगि

जाबोनांदों। दैज्लां बोथोर फैयोब्ला दै लोमसावानायनि जेनाजों भुगिनाडो। ड्रेनफोरव दाखोर-दाला गारनाय आरो मोजां जोथोन लायैनि जाहोनाव बेबायदि जायो। प्लास्टिक, बायदि लुनाय खामानिफोरनि दाखोर, सेवनो रोडै दाखोरफोर नालाफोर (ड्रेन) आरो लांदं जायगाफोराव गारनाय दाखोरफोरा अखा बोथोरनि गोबां जेना सोमजिहोदों आरो सावस्रियारि जे'नाबो नुजाथिहोयो। रबिबारखालि जानाय डिमापुरनि दै बानाया जे'ना गोनां नोगोरारि गुदिबिथाखौ सोराडाव लाबोदों। गोबां नोगोरारिफोर सशेल मिडियाआव लामाफोरव दै सोमलायनाय, न'-बांफोरव दै हाबनाय आरो सुबुंफोरा राहा गोथेनायनि सावगारि आरो भिडिअफोरखौ शेयार खालामदों। डिमापुर मिडनिसिपाल काउन्सिल (डिएमसि) नि हान्जाफोरा माखासे जायगानि सुबुंफोरनि मदतजों थाबथानाय दाखोर-दाला आरो जाम जानाय ड्रेनखौ ओंखाला बोखाडो।

PUBLIC NOTICE

No.SSA-15015/73/2024/I/1084368/2024

In pursuant to the public notice published vide No. SSA-15015/73/2024-ESTABLISHMENT-Sarba Shiksha Abhiyan (SSA) I/1075869/2025 dated 20.05.2025, it is for information to all concerned candidates that the interview for the post of Electronic Data Processor under Samagra Shiksha Axom scheduled to be held on 29.05.2025 is postponed due to unavoidable circumstances. The next date for the interview will be informed later on.

Sd/-Officer on Special Duty  
Samagra Shiksha Axom  
Kahilipara, Guwahati-19

DIPR /DF/BSA28827-May-25

No.KDB-448/2023-2024/215

Dated Gurufela the 23<sup>rd</sup> May, 2025

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 6<sup>th</sup> ASFC fund for the year 2024-25 as stated below. The tender will be received by the undersigned 2.00 PM of 13/06/2025 and will be opened on same day at 3.00 PM.

| Sl. No. | Name of Work                                                                               | Location        | A.A. Amount (Rs. In lakh) | Cost of bid document | Amount of bid security | Time of completion |
|---------|--------------------------------------------------------------------------------------------|-----------------|---------------------------|----------------------|------------------------|--------------------|
| 1       | Imp. of Kashiabari village road under VCDC Kashiabari                                      | Kashiabari      | Rs. 5.00 L                | 0.03%                | SC/ST= 1% OTH = 2%     | 3 months           |
| 2       | Imp. of road Burachara Santali village road under VCDC Burachara                           | Santali village | Rs. 10.00 L               | 0.03%                | SC/ST= 1% OTH = 2%     | 3 months           |
| 3       | Const. of RCC culvert at Burachara village road near Jadu Mardi house under VCDC Burachara | Burachara       | Rs. 10.00 L               | 0.03%                | SC/ST= 1% OTH = 2%     | 3 months           |

Details N.I.T may be seen in all working days during office hours in the office of the undersigned tender will be issued to the contractors of their authorized agent from 24/05/2025 to 13/06/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/-

Block Development Officer,  
Kachugaon Dev. Block, Gurufela

DIPR(BTC)/C/2025-26/508

No. UDB/Tender /01/2022-23/

Date: 26/05/2025

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paisa) only with a validity period of 180 Days which will subsequently to be converted and drawn up in the printed of F-2 form are invited from the registered contractors of Class –II and Class –I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2023-24 during 2024-25 & other financial years as stated below. The tenders will be received by the undersigned up to 12.00 Noon on 19/06/2025 and will be opened on the same date & place at 2.00 PM.

| Sl. No. | Name of work                                                                                           | Tender Amount (In Lakhs) | Cost of Tender Paper | Time of Completion of Work                          |
|---------|--------------------------------------------------------------------------------------------------------|--------------------------|----------------------|-----------------------------------------------------|
| 1       | Const od Slab culvert at Sarnapara Sastrapara road of under sastrapara vcdc under 6 <sup>th</sup> ASFC | 15,00,000.00             | Rs 500.00            | 3(three) months from the issue of Formal Work Order |
| 2       | Const of slab culvert at Moaman UT road of Ambagaon VCDC                                               | 10,00,000.00             | Rs 500.00            | 3(three) months from the issue of Formal Work Order |

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 27/05/2025 to 19/06/2025 in the office of the undersigned on payment.

Sd/-Block Development Officer

Udalguri Development Block

DIPR(BTC)/C/2025-26/503



# शुभान्शु शुख्लाया अख्रामा दावबायनायनि सिगां क्वारेन्टाइनआव थादों

गोदान दिल्ली, 26 मे: भारतीय अख्रामा दावबायारि शुभान्शु शुख्ला आरो एक्सिम-4 मिशननि गुबुन साथाम सोद्रोमाफोरा अख्रामा दावबायनायनि सिगां क्वारेन्टाइनआव थादों। बे खौरांखौ आमेरिकानि प्राइभेट अख्रामा कम्पानी एक्सिम स्पेसआ रबिबारखालि होदों। एक्सिम-4 मिशननि गेजेरजों अख्रामा दावबायारिया 8 जुन खालि भारतीय समनि बायदियै मोनाबिलि 6.41 रिंगायाव फ्लरिडानि के नेडि स्पेस सेन्टरजों ड्रेगन स्पेससिपनिफ्राय हारिमायारि अख्रामा स्टेशन



(आइएसएस) दावबायनो बोखारगोन। मिशनआव शुभान्शु थाफानायनि थाखाय इसर'आ 550 कौटि रॉनि पेमेन्ट होदों। शुभान्शुआ आइएसएस फारसे दावबायग्रा गिबि भारतीय जागोन। राकेश शर्माआ 1884

आव सभियत इडनटनि सयुज स्पेससिपजों अख्रामाआव थादोंमोन। राकेश शर्माआ भारतनि गिबि अख्रामा दावबायारि। 14 साननि बे मिशनआव अख्रामा दावबायारिफोरा माखासे

एक्सपेरिमेन्ट खालामगोन। शुभान्शुआ बिदाय लानाय हाबाफारियाव बुंदोंदि, आंहा फोथायनाय दंदि, मिशनआ जाफुंसारगोन। कुनि बिदाय लानाय मोनसे नेम-खान्थिया एक्सिम स्पेसआ पस्ट खालामदोंदि, सालायग्रा हान्जाया क्वारेन्टाइनआव थांगासिनो दं। थांनायनि सिगां एक्सिम स्पेसनि मावसुमाफोरा लोगोसे जयै रंजादों। मिशननि गेजेरजों शुभान्शुजों लोगोसे आमेरिका, हंगारि आरो पलेन्ड फारसे अख्रामा दावबायनायबो जागोन।

# कलिंगा वरियर्सआ आसाम चेस प्रिमियार लीगनि बिमुंखौ देरहाबाय



गुवाहाटी, 26 मे: गुवाहाटी नोगोरमायाव जाफुंसरै जोबलांनाय गिबि आसाम चेस प्रिमियार लीगनि बिमुंखौ कलिंगा वरियर्सआ देरहाबाय। फाइनलनि गोखों बादयनायाव वरियर्सआ असम राइनस

चेकमेटसआव सरासन्हा फारगथिआव देरहादों। जेराव वरियर्सआ चेकमेटसनि हेँथायै 3.5-2.5 स्करलाइनआव देरहादों। बे दुर्नामेन्टआव गासै मोन 8 हान्जानिफ्राय गासै सा 56 गेलेगिरिफोरा हादरनि गुबुन गुबुन थावनिनिफ्राय बाहागो लाफैदों। जेराव अल आसाम चेस एस'सिएसनजों खुंजानाय बे दुर्नामेन्टआ गिबियावनो गोबानि अन्सायनाय मोन्दों। बे लीगआव गेलेगिरिफोरा गावसोरनि रोंगथिखौ दिन्थिफुंनो हादों। जेराव बेनि गेजेरजोंनो बिथामोनहा सिगांफासैं आवगायनायनि लामाखौ मोन्दों। देरहानाय हान्जा महरै कलिंगा वरियर्सआ 3 लाख रं मोन्दों। बेराफासैं रानासंआप असम राइन' चेकमेटसआ 2 लाख रं बान्था मोन्दों। बे दुर्नामेन्टनि गेजेरजों गाहाय थाखोनि चेस गेलेगिरिफोरा गावसोरनि गोखों गोहोखौ दिन्थिफुंनो खाबु मोन्दों। जेराव राइज्योआव खुंजानाय दुर्नामेन्ट महरै आसामनि लाइमोन गेलेगिरिफोराबो बेनिफ्राय जर'खा थुलुंगा मोन्दों।

# भारतनि हकी हान्जाआ दरब्रै हादरनि जुनियर अपेन हकी दुर्नामेन्टआव उरुग्वेखौ फेजेन्दों

गोदान दिल्ली, 26 मे: भारतनि हकी हान्जाआ कनिका शिभासनि गरनै गल सोनायनि मददजों भारतीय जुनियर अमेन्स हकी टीमनि गोहोखौ दिन्थिफुंनो हादों। जेराव भारतनि हान्जाआ दरब्रै हादरनि बे दुर्नामेन्टनि नैथि मेचआव उरुग्वेखौ 3-2 गलआव फेजेन्दों। भारतनि जानानै बे मेचआव कनिकाआ 46 आरो 50 मिनिटआव गल सोदों। जेराव हान्जानि जानानै सनमआ 21 मिनिटआव गल सोदों। बेराफासैं जेन्नांनाय हान्जानि जानानै मिलाग्रस सेगलआ थामथि आरो आगस्टिना मेरिआ 24 थि मिनिटआव गल सोदोंब्लाबो गुबुन गेलेगिरिनि मदद मोनाखै। उरुग्वेआ थामथि मिनिटआवनो सेगलनि पेनाल्टि कर्नारजों आवगायदोंमोन। जेराव



सनमआ नैथि क्वार्टरआव मोनै 21 मिनिटआव पेनाल्टि कर्नारखौ समान स्करिनि गल सोफिन्दों। बेनि 3 मिनिट उनावनो भारतनि मेरिआ पेनाल्टि कर्नारखौ गलनि महर होनानै फिन उरुग्वेखौ आवगायहोफिन्दों। नाथाय

भारतआ जोबथा क्वार्टरआव 4 मिनिटनि गेजेरावनो कनिकानि गरनै गल सोनायजों आवगायदों। बिताडा गिबि पेनाल्टि कर्नारखौ गलनि महराव सोलायदों आरो फिन फिल्टिड गल सोनानै हान्जाखौ

आवगायहोदों। भारतआ बेयाव देरहानायजों गावसोरनि गेजेराव गिदिर फोथायनायखौ गोखोंसिन लाखिनो हादों। बेबादि थासारिआव उननि मेचआवबो अन्सायगिरिफोरा हान्जानिफ्राय मिजिंथि लादों।

# सिएसकेआ आइपिएलआव लाजिनांथाव जारिमिन सोरजिदों



गोदान दिल्ली, 26 मे: आइपिएलआव प्लेअफनि मोनब्रै हान्जाफोरनि सावगारिआ रोखा जाबाय। जेराव बेजोंनो जायखारनाय हान्जाफोरनिसावगारिआबो सोराडव फैदों। नाथाय गिबि नम्बरआव बबे हान्जाआ थाहैगोन बेनि सावगारिआ दासिमबो रोखा जायाखै। नाथाय बयनिखुइ गाहायआव थाहैगोन हान्जाखौ हमदंनो हायो।

# मोनसे सावगारि फ्रेमआव साब्रै टेनिस स्टारफोरनि सावगारिआ अन्सायगिरिफोरखौ इमसनेल खालामदों

रम, 26 मे: राफेल नाडालआ टेनिसनि फोथारआव खेब 22 ग्रेन्डस्लेम देरहानाय बादिनो गुबुन गुबुन गेलेगिरिफोर फारियै नभाक जकभिच, रंजार फेडेरार आरो एन्डि मुरेमोनहाबो गावसोरनि रोंगथिजों गोबां जारिमिन सोरजिनो हाबाय। जेराव बिसोर साब्रैखौ मोनसे सावगारि फ्रेमआवनो नुनो मोन्नाया अन्सायगिरिफोरखौ इमसनेल खालामदों। मानोना बिसोर सानैनि मुखव गासै 69



ग्रेन्डस्लेम देरहानाय रेकर्ड दडा। नाडालआ गावनि केरियारआव ग्रेन्डस्लेम देरहानाय फारिआव

बांसिनै फ्रेन्स अपेनआव रेकर्ड खेब 14 देरहादों। बेबादिनो साब्रियानि नभाक

जकभिचआबो सुइजारलेन्डनि रंजार फेडेरार आरो ब्रिटेननि एन्डि मुरे बादि गावनि रोंगथिजों गोबां मुं आर्जिदों। नाडालनि मुखव खेब 22 ग्रेन्डस्लेम, जकभिचनि मुखव मोन 24, फेडेररनि मुखव मोन 20 आरो मुरेनि मुखव खेबथाम ग्रेन्डस्लेम देरहानाय रेकर्ड दडा। नाडालआ गावनि केरियारआव फ्रेन्स अपेनआव गासै खेब 116 मेच गेलेनायाव 112 मेचआवनो देरहादों। जेराव 2021 नि फ्रेन्स अपेननि

# रंजालि गथ'फोरनि सौरा

## जों मानसि सिखारै आगोल आगोल

|                                                         |
|---------------------------------------------------------|
| जों मानसि सिखारै आगोल आगोल दाउमा दाउसाया सिखारबाय हनै   |
| दे नोंबो सिखारदो फुं समावनो मोखां सु हाथाइ हु दसे थाबाय |
| नों दसे थाबायना बिन उनाव नोंनि फरायनाय खथायाव हाबफै     |

–रैदोम बर', बाक्सा

## शुसिल कुमारनि जिउ जारिमिनआ गोबां रेसलारफोरखौ थुलुंगा होयो



गोदान दिल्ली, 26 मे: रेसलिनि फोथारआव शुसिल कुमारनि मुखबो भारतआव गोबां गेलेगिरिफोरनि गेजेराव जायगा मोनो। मोनसे समाव 26 मेखौ भारतनि अन्सायगिरिफोरा बिथानि गाहामनि थाखाय फालियोमोन। मानोना शुसिलआ भारतनि मुंदांखा रेसलारफोरनि गेजेराव जायगा मोनो। नाथाय मोनसे बुथास्नाय केसनि लोब्बायाव बिथाडा गोलाव सम जेंनायाव गोर्लैबोदों। शुसिलआ 1983 नि 26 मेखालि दिल्लीनि नजपर मुनि जायगायाव सरासन्हा नख'रआव जोनोम मोन्दोंमोन। जेराव 14 बोसोर बैसोआवनो बिथाडा चत्रसाल स्टेडियमआव ट्रेनि खालामनानै 2008 आव बेइजिं अलिम्पिकआव 66 कि:ग्रा: फ्रीस्टाइल केटेगरिआव ब्रन्ज मेडेल देरहाफैदों। बेनि उनाव 2010 आव कमनवेल्थ गेम्सआव सना, 2012 नि लन्डन अलिम्पिकआव सिलभार मेडेल देरहानायजों भारतनि गिबि गंनै मेडेल देरहानाय रेसलार जानो हादों। बेनि अनगायै अर्जुन बान्था आरो रजिब खेल रल बान्थानि अनगायै पचश्री बायदि गिदिर मानजों बरायजादों। जाउनाव बिथाडा भारतनि रेसलिं फोथारआव सासे रल मडेल गेलेगिरि महरै लाइमोन गेलेगिरिफोरनि गेजेराव थुलुंगानि आइकन जानानै फैदों। नाथाय 2021 आव जालांनाय चत्रसाल स्टेडियमआव सासे जुनियर रेसलार थैनाय केसआव बिथाडा जेंनायाव गोर्लैदों। जाउनाव बिथाडा बै समनिफ्रायनो केसनि जेंनायाव मोगा-मोगि जाबोनांदों। अब्लाबो 26 मेखौ गोबां लाइमोन रेसलारफोरा बिथानि जोनोम साननि लोब्बायाव मानियो। मानोना बिथानि बेबादि दिन्थिफुंनोनाया दासिमावबो गोबां लाइमोनफोरनि गोसोआव थुलुंगा लाबोयो।

# जुभेन्टासआ सेम्पियन्स लीगनि टिकेट दान्नो हाबाय

रम, 26 मे: मेनुएल लकाटेलीनि पेनाल्टिआव सोनाय गलनि मददजों जुभेन्टासआ इटलीनि टप नख'रि फुटबल लीगआव रेलिगेट जाखोंनाय भेनेजियाखौ 3-2 गलआव फे जेन्नानै सेम्पियन्स लीगनि थाखाय क्वालिफाइ जाबाय। सोलिफु सिजनआव जुभेन्टासनि दिन्थिफुंनोनाय मिजिंथिबादि ट्रेकजों खाराखै। जाउनाव सोलिफु बोसोरनि मार्च दानआव इगर टु डरनि बिथोनआव सोलिनाय हान्जाआ क्वालिफाइन थाखाय गोब्राब नाजानायनि फिथाइ महरैसो बे थाखोसिम सौफैदों। नाथाय



हान्जाआ बिथानि दैदेन्नायाव गोब्राब सेलेन्जनि गेजेरजोंब्लाबो जोबथा बुब्लिआव क्वालिफाइ जाफैबाय। बे हान्जाआ सिरि-एनि जोबथा राउन्डनि गावसोरनि मेचखौ देरहानानै पइन्ट

फारिलाइआव ब्रैथिआव थादों। जुभेन्टासआ बे फारिआव स्मानिफ्राय 1 पइन्ट सिगाडव थादों। रमाआ तरिन'आव 2-0 गलआव देरहानायजों इडरपा लीगआव जायगा आवग्रिदों।

## अरुणाचलनि लहित जिल्लायाव 19.8 ग्राम हेइन बोखांदों

इटानगर, 26ल मे: अरुणाचलनि लहित जिल्ला पुलिसआ सासे सुबुंखौ हमो आरो सुंपुर आरो तेजुनि गेजेराव थानाय पया हाग्रा ओन्सोलाव खालामनाय मोनसे अपारेसनाव 19.8 ग्राम हेइन बोखांनो मोनो। सुलुंनि खौरांखौ बिथा खालामनानै सुंपुर पुलिस थानानि मोनसे हान्जाया इन्सपेक्टर डि सिंफ'नि दैदेन्नायाव एसआइ (एसजि) सन्जा कुमार, एसआइ (एसजि) पि. मरों, ए एसआइ (एसजि) एम लेग', कन्स्टेबल ड्राइभर य'. जिनद, कन्स्टेबल एन. तांगहाजों जयै गंसे मटरसाइकेलखौ लाखियो। बेनि उनाव सिप्रोमनानै पुलिसआ मोनै साबोन बागसु मोनो, जेराव 19.8 ग्राम हेइन दंमोन। दायनिगिरिफोरखौ रण बाहादुर तामां होन्ना मिबथिनो हादों। बियो आसामनि तिनसुकिया जिल्लानि 9 माइल अब्बर गामिनि



थागिबि सनपुर पुलिस स्टेसनआव एनडिपिएस एक्टनि दफा 21 (बि)/27(ए) नि सिडाव मोनसे केस थिसन्नाय जायो आरो नायबजिरनाय जायो। लहित पुलिसआ बे ओन्सोलाव फेग्रा मुवाजों लोब्बा थानाय गावसिनि अपारेसनखौ गोर्खोंसिन खालामदों। 2025 नि जागायजेन्नायाव पुलिसआ मोन 5 एनडिपिएस केसफोरखौ रंजिस्टर्ड खालामदों, सा 8 हमदों आरो 40 ग्राम हेइन, 500 ग्राम आफिं जब्द' खालामदों।

दिदोमै गैलिया गैलिया लोगोआव माब्लाबानो गासैबो बिरलांबाय फारि फारि।

## गां रानाय

सिमांफोरा बायजावथु नुजादों आरो लोहाबदों सिरि सिरि गोजावलांदों दै गुदालनि दाहाराव मिथिस्लाबै।

सानबोलावरियाव जथुमनाय गुफुर दावथुफोरा गां राबायसै दा बाहा बुंजासे गोसोम दावखा गोथां बेदर सिलायनायाव मुखुब।

फोथायथिया द्रोस गिसिखाबाय फोलाजानाय अखा दामब्रानि बाना दाय गैयै मोस्त्रोमफोरा बुखारजालांबाय युधिस्थिरआबो फोलादों क्षुरेकत्र दावहायाव।

सानबोलावरिया गां रानाय फोर फोर बिरलांबाय फारियै आनि गोसोआ दा लांदां बालाबारि रज'लिया बिफां लाइफां बारलिया बिबार।

उदांसि हास्थायसुलि दाव मैना गां रानायखाय बिरलांनो बोदोर बियो दा आनि अननायखौ मिथिया बोदोर गोसोनि हाबिला-बिरलांना थानो।

मुगाया जोबोर जेथो गोनां संगालिया फेसा मेगन खोमसियावबो धोरोमा फालांगि-फालांगिया सिखाव जिउनि बेसेन नागिरबायना-गां रानाय थिफिलं बिरग'लांबाय।

गलाप खुंगुर बसुमतारी, कक्राइार।

# चेन्नाइ ग्रेन्ड मास्टार्सआव गेलेगिरिनि हारखौ बांहेनाय जादों

गोदान दिल्ली, 26 मे: चेन्नाइ ग्रेन्ड मास्टार्स चेस दुर्नामेन्टनि थामथि सिजनआव गेलेगिरिफोरनि हारखौ बांहेनानै सा 20 सिम बांहेनाय जादों। लोगोसेनो बे दुर्नामेन्टनि राडरि बान्थाखौ 1 कौटि फोसावनानै होयो। खुंफुंग्रा आफादआ मोनसे प्रेस रिलीजनि गेजेरजों 6-15 आगस्टनि गेजेराव खुंजानो गोनां बे दुर्नामेन्टआव मोनफ्रोम केटेगरिआव सा 10 गेलेगिरिफोरनि बाहागो जागोनखौ रोखा खालामो। जेराव थांनाय सिजनआव सा 8 गेलेगिरिफोराल' बाहागो जादोंमोन। एमजिडि-1 जों खुंजानाय आरो तामिलनाडु सरकारजों मदद होजानाय बे दुर्नामेन्टखौ सिंगापुरआव थानाय फिन्टेक कम्पानी क्वान्टबक्स रिचार्सजों रादाइनि उनाव क्वान्टबक्स चेन्नाइ ग्रेन्ड मास्टार्स खालामनाय जाबाय। थांनाय सिजनआव अरबिन्ड सिदाम्बरमआ मास्टार्स केटेगरिआव अर्जुन एरिगेसि आरो भिदित गुजराति बादि गेलेगिरिफोरखौ गाख्तायनानै सेम्पियन जादोंमोन। प्रनब भीआ सेलेन्जार्स केटेगरिनि बिमुंखौ देरहादोंमोन। बेबादि थासारिआव बे देरहानायजों बिथाडा सोलिफु बोसोरनि बे दुर्नामेन्टनि मास्टार्स केटेगरिआव सेलेन्ज होनो खाबु मोन्दों।



# टेरिफ वारनि गेजेरजों ट्राम्पनि गिदिर बिबुंथि

निउजार्सि, 26 मे: आमेरिकानि हादतगिरिआ बावैसो सानफोराव गोखों टेरिफ निति फोसावयो। बिथॉनि बे नितिति उनाव माखासे हादतफोरजों लोगोसे फालागिरिनि सायाव गोथौवै गोहोम गोग्लैनो हागौ। बेनि सिगां बिथाडा एप्पेलनोबो हुमकि होनानै बुडोदि, जुदि आइफनखौ भारतनि बायजोआव बानायोब्ला, 25 जौखोन्दो लाबोनायनि टेक्स होनांगोन। बे गासैबोनि गेजेरजों आमेरिकानि हादतगिरि ट्राम्पनि टेरिफनि सायाव मोनसे गोदान बिबुंथिया नुजाथियो। बिथाडा बुडोदि, बिनि टेरिफ नितिति थांखिया चेंक आरो टेक्न'लजि दिहुन्थायारि नख'रारि



बानायनायखौ बांहोनाय। बेनि सायाव ट्राम्पआ जों टि-सार्टनि अनगायै टेंकसो बानायनो लुबैयो। आथिखालाव बे बिबुंथिखौ माहारियारि जि फसंथानआ परिषदआ सोंखारिदोंमोन। मख'नो गोनांदि, आमेरिकानि हादतगिरि डनाल्ड ट्राम्पनि टेरिफ जाबसिन्नाय थांखिया मुलुगआरि बाजारफोराव दुंहाव

थासारि सोमजिहोदों। बेनि गेजेरजों थांनाय शुक्रबारखालि ट्राम्पआ फिन खेबसेबाव 1 जुननिफ्राय इउर'पिय संघनि मुवा-बेसादफोरनि सायाव 50 जौखोन्दो टेरिफ जाबसिन्तो नारसिनो आरो बिसोर आमेरिकानिफ्राय लाबोनाय आइफननि सायाव 25 जौखोन्दो टेक्स जाबसिन्तो हागौ होन्ना सांग्रांथि होयो।□

## रसियाआ इउक्रेननि सायाव दासिमनि बयनिखुइ देरसिन उरां जाहाजजों गाग्लोबदों



क्विभ, 26 मे: रसियाआ इउक्रेननि सायाव गावसोरनि गाग्लोबनायखौ बांहोगासिनो दड। थांनाय शनिबार-रबिबारनि हराव रसियाआ इउक्रे ननि सायाव दासिमनि बयनिखुइ देरसिन उरां जाहाज गाग्लोबबाय। बे गाग्लोबनायाव गासै मोन 367 इन आरो मिसाइलखौ राजथावनि क्विभजों लोगोसे इउक्रेननि

माखासे सहरफोराव गावहरो। बे गाग्लोबनायफोराव सा 12 सुबुंफोरनि जिउ गोमायो आरो सा 10 निखुइ बांसिन सुबुंफोरा जोखोम जायो आरो बेजों गोबां सम्पतिफोरा खहा जायो। रसियाआ इउक्रेननि सहरफोराव गुबुन गुबुन रोखोमनि मोन 69 मिसाइलफोर आरो मोन 298 इनजों गाग्लोबो। जिउ गोमानाय सा 12 सुबुंफोरनि गेजेराव

जिउमिर ओन्सोलनि सा 3 गथ'फोराबो दंफायो। इउक्रेननि हादतगिरि व्लदिमिर जेलेन्स्कीआ टेलिग्रामआव आमेरिकानि सायाव गाग्लोबनानै बुडोदि, आमेरिकानि सिरियै थांनाय आरो मुलुगाव गुबुन हादतफोरनि गोजोनै थांनायजों पुतिननि गोहोया बांगासिनो दड। रसियानि बेबायदि

## सान्जा इम्फलआव आइन बैरेखा जौ आरो डिआइसि जौ फान्नायखौ सोराडव लाबोदों



गुवाहाटी, 26 मे: मणिपुर पुलिस, राइज्यो आबगारि बिबानगिरिफोर आरो मणिपुरनि सान्जा इम्फल जिल्लायाव सासे आइजो भलन्थियारनि दैदेन्नायाव आइन बैरेखा जौ फान्नायखौ होबथानो थाखाय जुथायै सिग्रोमनायखौ जागायदों। जुथाय हान्जाया सान्जा इम्फल जिल्लायाव थांनाय 36 घन्टनि गेजेराव बुज आइन बैरेखा जौखौ फोजोबनो थाखाय माखासे जायगाफोराव सिग्रोमदों आरो जौनि बथलफोरखौ जब्द' खालामदों। बिबानगिरिफोरा रिपर्ट होदोंदि, गुबुन गुबुन ब्रान्डफोरनि गं 26 आधा बथलफोर आरो गुबुन हादतनि जौ भारतआव बानायनाय गं

444 बथलफोरनि आइन बैरेखा देशि जौ जायखौ जायगानि रावआव 'यु'बुंनाय जायो आरो गुबुन माखासे फेग्रा बेसादखौबो जब्द' खालामदों। सासे सन्देह खालामथाव जौ फानग्रा,

जायनि मुंखौ समाजआरि बिजोडाव मिबथि होनाय जायाखै। बिखौबो ग्रेण्टार खालामनाय जादों आरो बिनिफ्राय गोबां बिबांनि आइन बैरेखा बेसाद बोखांनाय जादों। जब्द' खालामनाय मुवा-बेसादआव व्हाइट मेजिक, मेकडनाल्स, अल्ड मग, रयाल स्टेग, टुर्बग, किंफिशार आरो गुबुन फेग्रा बेसादआबो दंफायोमोन। रिपर्टआव बेखौबो बुंनाय जायोदि, जब्द' खालामनाय बेसादखौ इयुननि आइनआरि नायबिजिरनायनि थाखाय स्टेट एक्साइस मावख'नो गथायना होनाय जायो।□

## बांलादेशआव बारग' पुलिस

ढाका, 26 मे: बांलादेशनि हारिमायारि दाय बिजिरगिरिआ थांनाय रबिबारखालि सासे बारा' पुलिस कमिसनार आरो सा 7 गुबुन बिबानगिरिफोरनि बैरेखायै धर्नानि समाव गोब्राबै इनाय-अनागार खालामनाय केसआव दायखौ थि खालामो। बिजिरगिरि एम गुलाम मुर्तुजानि दैदेन्नायाव बारग' पुलिस कमिसनार हबिबुर रहमान हाबिब

आरो गुबुन सा 7 पुलिस मावसुमाफोरनि हेंथायै प्रसेकुटरसनि गेजेरजों दिन्थिनाय दायफोरखौ सिमान लायो आरो बे केसआव हियारि जागायनायनि अक्टखौ 3 जुनआव थि खालामो। दाय जाबसिन्नाय बादिब्ला, बै समनि ढाकानि मेट्रपलिटन पुलिस कमिसनार हाबिबआ गोखोडै गावसोरनि जवानफोरखौ चंखरपुल

# गाजाआव इजराइलनि सान्थिफोरा बम गावनानै आवगायगासिनो दड

जेरुशालेम, 26 मे: इजराइलनि सान्थिआ गाजानि 77 जौखोन्दो बाहागोनि सायाव दखल खालामनानै लाबाय आरो आथिखालाव आद्रा थांनाय ओन्सोलखौ दखल खालामनो थाखाय गोखोडै गाग्लोबगासिनो दड। बे बाथ्राखौ हमासनि मिडिया उईआ बुंदों। बेनि गेजेरजों इजराइलनि गोदानै गाग्लोबनायफोराव सा 38 सुबुंफोरनि जिउ गोमादों। जिउ गोमानाय सुबुंफोरनि गेजेराव सासे खौरंगिरि आरो रैखा खालामग्रा दोलोनि सासे बिबानगिरिआबो दंफायो। बे सुबुंफोरा जवालिया आरो नुसिरतआव थांनाय न'फोराव



थैयो। थांनाय 2023 नि 7 अक्टबरनिफ्राय सोलिनाय इजराइलनि गाग्लोबनायफोराव दासिमआव सा 220 खौरंगिरिफोरनि जिउ गोमाबाय। इजराइलनि सान्थिआ गोदानै गाग्लोबनायफोरनि सोमोन्दै

जेबो बिबुंथि होयाखै। हमासआ बुंदोंदि, इजराइलनि अखांमा सान्थिफोरा उरां जाहाजजों गाग्लोबनानै सुबुंफोरखौ न' नागारनो बिथोन होगासिनो दड आरो हा बाहागोनि सान्थिफोरा गुलि गावनानै आवगायगासिनो

दड। बेजों गाजा पट्टिनि 77 जौखोन्दो हायाव इजराइलआ दखल खालामबाय। बांसिन फिलिस्ताइनफोरा न' नागारनानै खारलांबाय आरो जायफोरा न' एबा टेन्टफोराव थागासिनो दड; बिसोर इजराइलनि

## इउक्रेनाव गोखोडै इन आरो मिसाइलजों गाग्लोबनायनि सायाव हादतगिरि ट्राम्पआ खुद्रिखांदों

गोदान दिल्ली, 26 मे: रसिया आरो इउक्रे न दावहाखौ फोजोबनो नाजाबाय थांनाय हादतगिरि ट्राम्पआ रसियानि हादतगिरि पुतिननि सायाव रगा जौंनाय फोरमायदों। रबिबारआव रसियाआ इउक्रेनआव लान्थियै बम होनायखौ ट्राम्पआ गोरोस्थि मोन्दें। ट्राम्पआ बुंदों, पुतिनआ मानो बिब्दि खालामदों बेखौ मिबथिया, गोबां सुबुंफोरखौ बियो जिउ फोजोबगासिनो। ट्राम्पआ वाशिंगटनआव फैनाय समाव निउ जार्सिनि मरिसयउन उरां गाथोनाव बेफोर बाथ्राखौ बुडो। मख'जाथावदि, रबिबार हरसेमानि इउक्रेननि सहरफोराव ट्राम्पआ 367 इनजों आरो मिसाइलजों गाग्लोबदों, जेराव सा 13 सुबुंफोरनि जिउ गोमायो आरो सा 60 नि बांसिन जोखोम



जायो। लोगोसेनो सम्पतिफोरबो गोबां ख'हा जायो। थैनायफोरनि गेजेराव जीटमिर ओन्सोलनि सा 3 गथ'फोराबो दंफायो। इउक्रेननि हादतगिरि भलडिमिर जेलेन्सिआ टेलिग्रामआव पस्ट मेसेज होनानै बुंदोंदि, आमेरिकाया सिरियै थांनाय आरो मुलुगनि गुबुन हादतफोराबो सिरियै थांनायाव पुतिननि साहसआ बांदों। रसियानि बेबायदि अनागारै गाग्लोबनाया

बिनि सायाव होबथानायनि थाखाय थोजासे। मख'जाथावदि, हाथियार

बाहायनायनि नोजोरै रबिबार मोनायाव गाग्लोबनाया थांनाय 39 दाननिफ्रायनो सोलिबाय थांनाय दावहानि बयनिखुइबो देरसिन अखांजों गाग्लोबनायमोन। फारसेथिं रसियानि रैखाथि मावख'आ बुंदोंदि, शनिबार-रबिबार मोनायाव गावसिनि अखांमा सिमना सिडाव हाबनाय इउक्रे ननि गं 95 इनखौ गावख्लायनो हादों।□

## 26 मेखालि सनानि बेसेना दावख्लायदों



गोदान दिल्ली, 26 मे: 26 मे समबारखालि सनानि बेसेनखौ इसे दावख्लायनाय नुनो मोन्दें। सना बायग्रा सुबुंफोरा दिनें इसे रेहाय मोन्दें। थांनाय सानफोराव सनानि बेसेनखौ लान्थियै बांनाय थिसनो मोन्नाय जादोंमोन। एमसिएक्सआव 10 ग्राम सनानि बेसेनखौ फुनि 10:09 रिंगायाव दावख्लायनाय थिसनो मोन्दें। 26 मेखालि फुनि 10:11 रिंगायाव 10 ग्राम सनानि बेसेना 96,001 रां सोलिगासिनो दं। दासिमाव सनानि बेसेना 10 ग्रामआव 95,865 रांसिम सौहैनानै ल' रिकर्ड बानायदों। बेजों लोगोसे मोनफ्रोम 10 ग्रामाव 76,101 रांसिम सौहैनानै दासिमनि हाइ रिकर्ड बानायदों। 26 मे समबारखालि सनानि बेसेनजों लोगोसे रुफानि बेसेनाबो दावख्लायदों। एमसिएक्सआव फुनि 10:18 रिंगायाव रुपानि बेसेना मोनफ्रोम किल'आव 97,878 रां सोलिगासिनो थांनायखौ नुनो मोन्दें। रुफाया दासिमाव 10 ग्रामाव 77,877 रांसिम सौहैनानै ल' रिकर्ड बानायदों। बेजों लोगोसेनो मोनफ्रोम किल'आव 98,300 रां जानानै हाइ रिकर्ड बानायदों। सनानि बेसेना इयुनाव दावख्लायगोन ना दावख्लया बेखौ लानानै जों एक्सपार्टफोरजों बाथ्रा सावरायदों। कर्मडिटि एडभाइजारि फर्म केडिया कर्मडिटिजनि बिथोनगिरि अजय केडियाआ बुडोदि, बेसेबां फेक्टरफोरा दासिमाव सनानि बेसेनफोरखौ सापर्ट खालामगासिनो दंमोन, बेयो मोनसे मोनसेयै जोबलांगासिनो दं। जैरे आमेरिका आरो चीनआव ट्रेडआ डिल जादों। रसिया आरो इउक्रेनआ फेगौ सप्ताहआव हिलनि थाखाय मिटि खालामगोन।□

## एलअसिआव पाकिस्ताननि उतखारिफोरा खन्थाम सिखावै हाबफैखुमानो नाजादोंमोन



गोदान दिल्ली, 26 मे: सान्थिनि सासे सेनियर कमान्डारआ मिबथि होयोदि, पाकिस्तानआ 6 निफ्राय 10 मे दाननि गेजेराव जम्मु आरो काश्मीरआव एलअसि बारनाय फारसे उतखारिफोरखौ दैथाइ हरनो थाखाय खेबथाम जाफुंसारै नाजाबाय थादोंमोन। खनफ्रोम नाजानायाव 3-4 सिखावै हाबखुमाग्राफोरनि हान्जाया दंफायोमोन। पाकिस्ताननि सान्थिया बे खैसार सानायाव

दंफायोमोन। सांग्रां भारतीय सान्थिफोर गासिबो नाजानायखौ फेले' खालामदों। बेखौ एलअसियाव पाकिस्ताननि गोखैयै गावलायनायनि गेजेराव नाजानाय जादों। जर'खायै टेर मनितारि गुप (टिएमजि) ओन्सोलनि खाथि, जेराव राजखान्थि महैर मख'जाथाव भारतीय सान्थिनि चेपपस्टआ 11,000 फुटनि जीसिमाव दं। बे चेकपस्टनि गाहाइ खामानियानो जादों सिखाव

## कमिसनारजों लोगोसे माखासे बिबानगिरिफोरनि हेंथायै दाय जाबसिन्दों



ओन्सोलाव होंगो-दोंगोनि सायाव गुलि गावनो बिथोन होदोंमोन। आथिखालाव बियो खारनानै दड। हाबिबनि अनगायै सा 3 गुबुन दायनिगिरिफोराबो खारनानै दड आरो साब्रै दायनिगिरिफोरा जेलआव दड। साब्रै दायनिगिरिफोरा बिजिरसालिआव नुजाथिनानै गावसोरनि दायखौ सिमान लादों। हासिना आरो बिसोरनि

माखासे केबिनेटजों लोगोसे दोलोनि हेफाजाबगिरिफोरनि सायाव समाने दायनिगिरिनि दाय दड। बिजिरसालिनि बे थांखिआ बै समाव फैयो, जेब्ला सरकारि मावसुमाफोर लान्थियै नैथि सानावबो बांलादेशनि सेक्रेटरिएटनि सिडव थिखानाय सरकारि सिबिथाय (सोदोनाय) बिथोन 2025 नि हेंथायै धर्ना खालामगासिनो दड।□







# माहाम देहानि राहा

## वे मोन्थाम फिथाइफोरखौ माखासे गोरोन्थिजो जानो नाडा



बांसिन सुबुंफोरा फिथाइखौ जायोब्ला देहायाव बेसेबां मुलाम्फा मोनो बेखौ मिबथियाबो जानो हागौ। जुदि जों फिथाइखौ थोजासे बिबांआव जायोब्ला, बेयो जोंनि देहाखौ माखासे बेरामफोरनिफ्राय रैखाथि होनायाव मदत होयो। माखासे खेब सुबुंफोरा फिथाइफोरखौ गोरोन्थि नेम-खान्थिजों जायो। फिथाइफोरनि सोमोन्दै मोनसे सोंथिया साफ्रोमबो सुबुंफोरनि गोसोआव फैयो जानांगौदि, थारैनो जों फिथाइखौ जायोब्ला, बिगुरखौ गारानांगौ ना गारनाड ? ग्रेटर नड्डनि जिआइएमएस देहा फाहामसालियाव हाबाफारि मावग्रा मुंदांखा डायबेटिसियान डक्टर आयुषि यादबआ

मानोना बिगुरखौ गारोब्ला आपेलनि फाइबारआ आलादा जायो आरो बे फिथाइनि आबुं मुलाम्फाखौ देहानि थाखाय मोन्नो हाया।  
3. खमलाया मोनसे औरैबायदि फिथाइ जायखौ जों गोबां गोसो होसारनानै जायो। जों बेखौ बिगुरेनो जानो हाया। नाथाय खमलाखौ जानाय समाव मोनसे बाध्राखौ नोजोर होनांगौदि, बेनि सिडव था नाय थाखोसे बिगुरखौ आलादा खालामनो नाड अब्लासिम जों बेनि गासैबो मुलाम्फाखौ मोन्नो हायो।  
4. गोबां सुबुंफोरनो थालिरखौ बिगुरेनो जानाय नुफराखै एबा जाफराखै जानो हागौ। थालिरनि बिगुरआव भियमिन बि 6 , भियमिन बि 12, पेयसियाम आरो कार्बहाइड्रेट मोन्नाय जायो। नाथाय थेवब्लाबो बेनि बिगुरखौ जानो नाड।  
(नट: बेखौ बाहायनायनि सिगां डक्टरनियाव सुबुरुन लानाया मोजां।)□

## भारतआ मुलुगनि 4 थि देरसिन रंरवान्थि हादत जानायाव बिग बिआ रंजानाय फोरमायदों

बलिउडनि फावखुंगुर अमिताभ बच्चनआ ससियेल मिडियाआव एक्टिभ थाबाय थायो। बिग बिआ एक्सआव गावनि माखासे पस्टआव भारतआ मुलुगनि ब्रैथि देरसिन रंखान्थि गोनां हादत होन्ना लोगोसे बियो अग्निवीरखौ थुलुंगा होनानै भारतीय सान्थिफोरखौ सेल्युट खालामो। बिग बिआ समबारनि फुंनि समाव गावनि एक्सआव माखासे गोदान पस्ट खालामो। बेनि गेजेराव मोनसे पस्टआव भारतआ मुलुगनि ब्रैथि गोखों हादत होन्ना फोरमायो। गावनि बे पस्टनि जागायनाय आव बिग बिआ जय



हिन्द आरो फिफिलानि इम 'जी पस्ट होनानै लिरौदि, भारतआ मुलुगनि ब्रैथि देरसिन रंखान्थि गोनां हादत। बे हादतफोरा आमेरिका चीन, जामार्नी आरो भारत। भारतआ 2.5 निफ्राय 3 बोसोरसिमाव मुलुगनि थामथि रंखान्थि गोनां हादत जागोन। गासिबो हादतफोरनि जिडिपिआ बुडोदि, बिग बिआ लिरनाय बायदिब्ला आमेरिका- 30.51 ट्रिलियन डलारनि जिडिपि, चीन-19.23 ट्रिलियन डलार जिडिपि, जामार्नी-4.74 ट्रिलियन डलार जिडिपि आरो भारतआ 4 ट्रिलियन डलार

## मुंदांखा फावखुंग्रि रिम शेखआ 'लाफ्टार शेफ्स 2' नि सेटआव फिन जोखोम जाबावदों

रिम शेक आ टेलिभिजननि मुंदांखासिन फावखुंग्रिफोरनि मादाव सासे। आथिखालाव बिथांखौ भारतीय सिंह हस्टेड खालामनाय टिभि स्व' लाफ्टार शेफ्स सिजन 2 आव नुनो मोनगासिनो दं। संनाय-खावनायजों लोगोसे एन्टारटेन्मेन्टनि डज होग्रा लाफ्टार शेफ्स 2 आ फिसा पर्दाआव दोहौ सोमजिहोदों। एक्टिआव गोखों सेलिब्रिटिसफोर संनाय-खावनायनि स्क्रिन्सखौ दिन्थिगासिनो दं। 22 बोसोर बैसोनि रिम शेखआबो बे स्वआव बाहागो लादों। बावैसो सिगां रिम शेखआ फिन खनसेबाव लाफ्टार शेफ्स 2 नि सेटआव जोखोम जादों। बिथाड इनस्टाग्राम स्ट'रियाव स्व'नि



सेटनि गावनि मोनसे सावगारि शेयार खालामदों जेराव बिथांखौ आयनायाव सेल्फि लानाय नुनो मोन्दों। बे सावगारियाव बिथाड गावनि आइथिं आव जोखोम जानायखौ दिन्थिदों, जायनि सायाव बेन्दोंजों खानाय दंमोन। बेजों लोगोसे नो बिथाड बुडोदि, 'लाफ्टार शेफ शूट खालामखानायनि उनाव

नर्मैल।' मिबथि होनाय जायोदि, रिम शेखआ लाफ्टार शेफ्स सिजन 1 आवबो बाहागो लादोंमोन। सिगांनि सिजनआव बिथांनि मोखांआ खामदोंमोन। जेब्ला बिथाड स्व'आव जानाय आदार बानायबाय थादोंमोन अब्ला गुदुं चिनिआ बेरदेरनानै बिथांनि मोखांआव नादोंमोन आरो बिथांनि मोखांआ गाज्रि

सावगारियाव अग्निवीर लिरनाय दं। बे सावगारिनि गेजेरजों बियो केप्सनआव लिरदोंदि, अग्निवीर जिन्दाबाद। जय भारत माता की। जय हिन्द। लोगोसे फिफिला बायदि इम 'जीबो शेयार खालामदोंमोन।□

रोखोमै खामदोंमोन। बेनि उनाव बिथाड गोसो सिडव गिखांनाय मोन्दोंमोन। मोनसे इन्टारभिउआव बिथाडा खामनायनि सोमोन्दै बुंदोंमोन जेब्ला बिबि जादोंमोन अब्ला आं जोबोद गिनाय मोन्दोंमोन। बियो चिनिमोन, नाथाय बेखौ ग्लासनि टुखा बायदि मोन्दांथिदोंमोन। सोरबा सासेया आंनि सायाव दै सारदोंमोन जाहाथे चिनिया मोखाडव सिथाबनानै थाया, नाथाय खामनाय जायगायाव दै सारनाडा। रिमआ टिभिनि मुंदांखां फावखुंग्रि। बिथाडा तुझसे है राबता, तेरे इश्क में घायल, फना आरो अशक सम्राट बायदि सिरियालआव खामानि मावखांबाय।□

## रेट्र सावथुना थाबैनो अटिटिआव रिलिज जासिगोन

गिदिर पर्दाआव रिलिज जानाय सावथुनफोरखौ माब्ला अनलाइन स्ट्रिम जागोन होनानै नायगिरिफोर नेनानै थाबाय थायो, जेब्ला जायखि जाया थियेटरआव रिलिज जानाय सावथुना अटिटिआव फैयो अब्ला बेनि थाखाय एक्साइटेड जानानै थानाय सुबुंफोर गोजोनग्लाय मोनो। बावैसो सिगां 'रेड 2' सावथुनखौ अटिटिआव रिलिज खालामनो फोसावदों आरो बेजों लोगोसे सिनेमा हलफोरव नुजाथिनाय सावथुन रेट्रनि अटिटि रिलिज अक्टआबो सोरांआव फैबाय। रेट्र सावथुना 2025 नि मस्ट एन्टिसि पेटेड सावथुनफोरनि मादाव मोनसे। सुर्या स्टयनि सावथुना नख'रि बक्स अफिसजों लोगोसे वर्ल्डवाइडआवबो मोजां बिजनेस खालामदोंमोन। 1 मे खालि थियेटरसंआव नुजाथिनाय सावथुना दा दान मोनसेनि उनाव अटिटिआव नुजाथिनो थाखाय थियारि जाबाय। रेट्र सावथुना



थाबैनो अटिटिआव नुजाथि सिगोन। अटिटि प्लेटफर्मआ रेग्रा खालामदोंदि, बे सावथुना माब्ला आरो बबेयाव स्ट्रिम जागोन। मिबथि होनायजायोदि, रेट्र सावथुना अनलाइन अटिटि प्लेटफर्म नेटफ्लिक्सआव स्ट्रिम जागोन।

# सलमान खाननि माखासे जाफुंसारै सावथुनफोरनि सायाव सुनिल शेट्टिआ माखासे बाथा फोरमायदों



खवसे इन्डास्ट्रीनि थाखाय सुपारहित मोनसे इउटुब चनेलनो होनाय इन्टारभिउआव

## हिन्दी सावथुन मुलुगनि मुंदांखा फावखुंग्रि प्रिटि जिन्टाआ आर्मी वाइब्स वेलफेयार एस'सियेशनआव 1 कौटि रां दान होदों

रबिबारखालि प्रिटि जिन्टाआ आर्मी वाइब्स वेलफेयार एस'सियेशन हाबाफारिनि मोनसे भिडिअ शेयार खालामदों, जेराव बेयो भारतीय सेनाफोरनि नख'रफोरजों सावरायदों। बलिउडनि फावखुंग्रि प्रिटि जिन्टाआ भारतीय सान्थिनि खोला सोनाब कामान्डनि सिडव आर्मी वाइब्स वेलफेयार एस'सियेशननो 1 कौटि रां दान होनाय जायो। फावखुंग्रिया बे दानखौ अपरेशन सिन्दुरनि उनाव होयो, जेराव 22 एप्रिलखालि पेहेलगामआव उतखारिफोर गाग्लोबदोंमोन। बै दुखुनां थाव उतखारिफोर गाग्लोबनाय जाथायाव सा 26 भारतयारि दावबायारिफोर जिउ खोमानांदोंमोन। रबिबारव प्रिटि जिन्टया मोनसे भिडिअ शेयार खालामदोंमोन, जेराव बिथाड रैनियाफोरनि नख'रफोरजों

जों सावरायनि, जाय खायसे इन्डास्ट्रीनि थाखाय बेयो सुपारहित। माखासे सावथुनफोरनि सेलेक्सनआव गोरोन्थि जाफ्लाडो आरो सलमानआ गोसो होनानै खामानि मावो। जेब्ला सलमानआ मोजां टपिकनि सावथुन मोनो अब्ला बेयो दोहौ सोमजिहोलाडो। बिथांनि सोलिनो हायै सावथुना 200 कौटि रां आरजियो। बे

बोसोरनि गासै सावथुनफोरनि नाम्बारखौ नायोब्ला मिबथिनो हागोनदि, जे बेयो सलमान खाननि सावथुननिखुइ बाडइसिन। सुनिल शेट्टिआ गावनि लोगो सलमान खानखौ जोबोद बाखनायदों आरो बुडोदि, बिथांखौ बांसिन गोरोन्थि बुजियो। फावखुंगुरआ बुडोदि, सलमान खानआ बे मुलुगाव बांसिन गोरोन्थि सानजानाय सुबुं।□



रायज्जलायदोंमोन। गावनि बिबुंथियाव प्रिटिआ रैनियाफोर आरो बिसोरनि नख'रफोरजों दिन्थिफुंजानाय बावसोमनाय आरो साहसनि सल'फोरनिफ्राय बेसेबां आवेग गोनां जादोंमोन बेखौ फोरमायदोंमोन। जेब्ला आं खोला-सोनाब कामान्डनि अडिटेरियामसिम थांगासिनो दंमोन, आं रैनिया मावख'गिरि आरो रैनियाफोरनि पस्टार नुदोंमोन, जायफोरा साहसनि बान्था मोनदोंमोन। माखासेआ हादोरनि थाखाय गावसोरनि

जिउखौ बावदोंमोन, फारसेथिं गुबुनफोरा देहायारि आरो गोसोआरि दागोफोरजों दावहानि फोथारनिफ्राय फैफिनदोंमोन। बे सुबुंफोरा खालि रैनियाफोरल' नडमोन, नाथाय बिफा, फिसाज्जलाफोर, फिसाय आरो बिदा-फ'बायफोरबोमोन। बिथांजोआ बै आइजोफोरखौ लोगो हमनायनि बाथा मुख'दों जायफोरा गावसोरनि आंगोफोर आरो गथ'फोरखौ खोमाना लादोंमोन, जाय गोग्गानानै गावसोरनि उनमोनथाइखौ सिगांथिं लांगासिनो दंमोन। बिथांजोआ बुंदोंमोनदि बैयाव जेबो मोदै एबा अजद गैया, खालि गोहो आरो सन्मानल'। फावखुंग्रिया बेखौ बु'नानै फोजोबदोंमोनदि, बैफोर गिनो रोडै सुबुंफोरनि नख'रफोरजों गसनाया बिथांनि थाखाय मोनसे थार सुबिदामोन।□

## हिन्दी सावथुन मुलुगनि सासे जाफुंसार फावगिरि अभिषेक बेनार्जिनि क्राइम ट्रेलार सावथुनआ रिट्रिम जासिगोन

भेनिस फिल्म फेस्टिभेलआव प्रिमियार जानो गोनां सावथुन स्टलेनआ अटिटिआव स्ट्रिम जानो थाखाय थियारि जाबाय। अभिषेक बेनार्जिनि बे सावथुननि गिबि नुथाया सोराडव फैदों। स्त्री 2 सावथुनाव जनानि फाव खालामनाय फावखुंगुर अभिषेक बेनार्जिआ स्टलेन सावथुनाव गावनि दोहौ दिन्थिनो थांगासिनो दड। बे सावथुनखौ सुबुंफोरा नै बोसोरनिफ्रायनो नेनानै दड। 2023 आव बे सावथुना भेनिस फिल्म फेस्टिभेलआव प्रिमियारबो खालामजादोंमोन आरो बेयो स्टेन्डिअभेशनबो



मोन्दोंमोन। अदेबानि बावैसो उनाव बे सावथुनखौ अटिटिआव नुनो मोनसिगोन। बे सावथुननि सल'आ सासे गोमानाय गथ'नि सायाव बिथा खालामनाय। जइजहदआव सानै बिदा-फ'बायआ जोबोर गाज्रि थासारिजों सोलिनांदोंमोन। दिदै 26 मेआव सावथुननि पस्टारखौ फोसावदों, जेराव अभिषेकनि गोखों लुक नुनो मोन्दों। बनि मोखाडव गोथौ जोखोमनि दागोबो नुनो मोन्दों। पस्टारजों लोगोसे फावखुंगुरआ केप्सनआव 'सासे गोमानाय गथ'आरो समनि बेरेखायै मोनसे मुजिथावना सम' होन्नानै

## सावथुन बानायगिरि शरिफ महम्मदआ आरोबाव मोनसे प्रजेक्ट 'कट्टलन' खौ लानानै फैगासिनो दं

2024 नि मस्ट भायलेन्ट सावथुन मार्क नि जाफुंसारनायनि उनाव सावथुन बानायगिरि शरिफ इन्टारटेन्मेन्टजों लोगोसे आरोबाव मोनसे प्रजेक्ट कट्टलनखौ लानानै फैगासिनो दं। बेयो हाइ भल्टेज पेन-इन्डिया एक्सन थ्रिलार सावथुन जेराव गाहाइ फावआव दं मालायलम सिनेमानि गोग्गाथाव स्टार एन्टनि

लिरदों। बे सावथुनखौ अनलाइनआव स्ट्रिम खालामनाय जागोन। बेखौ एमाजन प्राइम भिडिअआव 4 जुनिफ्राय स्ट्रिम खालामनाय जागोन। सावथुननि सोराडव फैनाय गोखों टिजारआव गोबां एक्सन नुनो मोन्दों। बे



भर्गिस (पेप)। सावथुनखौ पल जर्जआ बिथोनगिरि महरै

सामलाइदों आरो दा बेप्रजेक्टआव कन्तारा 2 नि अजनिश लकनाथआबो दंफायो। बिथाड बे सावथुनाव मिडजिक होगोन। अजनिश लकनाथआ कन्तारा 2 आव गावनि मिडजिक होनायनि थाखाय सिनायथि जायो। अदेबानि दा कट्टलन सावथुनावबो गावनि रंग'थिखौ दिन्थिगोन। शरिफ महम्मद आरो अजनिशनि बे गोदान ज'रया सिनेमा नायनो मोजां मोनायफोरनि गेजेराव एक्साइटेडखौ बांहोगासिनो दं। सावथुननि गिबि पस्टरनि नुशाइआ रिलिज जाबाय आरो बेयो सशेल

मिडियाआव दोहौ सोमजिहोगासिनो दं। पस्टरआव पेपेखौ अखायाव सिजानाय, सोरगिदि गोथै सह'फोर थानाय आरो मैदेर हाथायनि गेजेराव गसनाय नुनो मोन्दों। पस्टरनि प्रिटि आरो गोमोथावना लुकआ मार्कनि पेन-इन्डिया स्टइलखौ आरोबाव गोखोंसिन खालामो। सावथुननि टइटेल् डिजाइन जेलाए, लिय, जवान आरो कुलि बायदि ब्लकबास्तर सावथुनफोरनि फन्टस डिजाइन खालामग्रा क्रिएटिभ कम्पानिनि आइडेन्ट लेब्सआ थियारि खालामदों। क्युब्स एन्टारटेन्मेन्टसआ कन्टेन्ट आरो मार्केटिआव गोदान क्रिटेरिया गायसन्दों आरो पेपेनि हाइ इन्टेन्सिटि फावफोराव अन्साइगिरि बांनायखौ नोजोर होनानै कट्टलन सावथुनफोरनिफ्राय गोबां मिजिं थिदों।□





आसाम सरकार

सिनायथि होनाय

# गावारि-सार्भे

## आवाज प्लास 2024 नि गेजेरजों

### प्रधान मन्थि आवाज यजना-ग्रामिननि थाखाय



#### सेल्फ-सार्भेआ मा ?

सेल्फ-सार्भेआ पिएमएवाइ-जि न'नि थाखाय थोंजोडै आर'ज गाबनायनि थाखाय आवाज प्लास 2024 एप्पआव मोनसे सायख 'नाय, जुदि बिसोर सायख 'जाथावब्ला ।

#### मानो सेल्फ-सार्भे ?

जुदि नोंथाडा आनवेसानि गेजेरजों 17 मार्च-2 एप्रिलनि गेजेराव एएसआरएलएम साखिजों सार्भे खालामजायाखै, अब्ला सेल्फ सार्भेआ आवाज प्लास 2024 एप्पनि गेजेरजों पिएमएवाइ-जिनि थाखाइ मुं थिसन्नायनि मोनसे राहा ।

#### नोंथाडा माबोरै सार्भे खालामो

- गुगल प्ले स्टरनिफ्राय आवाज प्लास 2024 एप्पखौ डाउनलड खालाम ।
- मोखां रोखा सिनायथिनि थाखाय गुगल प्ले स्टरनिफ्राय आधार फेस आरडिफखौ डाउनलड खालामनांगोन ।
- सेल्फ सार्भेनि थाखाय साइन-आप खालामनो आधार नम्बरखौ बाहायनांगोन ।
- मोनसे डिभाइसआव मोनसेल 'सेल्फ-सार्भे खालामनो हागोन ।
- आधार बाहायनानै मोखां सिनायथि-इ-केवाइसिआ गोनांथार ।

#### सार्भेनि फारिखान्थि

- सार्भेनि समाव मोनफ्रोमबो फोरमायथिखौ आधार कार्डनि बायदि सरजाबनांगोन ।
- मुलाम्फागिरि सायख 'नायाव आइजो मुलाम्फागिरिफोरनो सिगांग्रो खाबु होनांगोन ।
- नायफामनाय समाव जायखि-जाया गेबें नडै फोरमायथि एबा फोरमान मोनोब्ला नख 'र बिगोमाया बेनि दायनिगिरि जागोन आरो बेनि हेंथायै राहा लानाय जागोन ।

आबुं फोरमायथिनि थाखाय अन्नानै सेल्फ सार्भेनि थाखाय एसअपि डाउनलड खालाम

[www.ruralassam.gov.in](http://www.ruralassam.gov.in) or [www.pmayg.nic.in](http://www.pmayg.nic.in)

#### गोनांथि फोरमानलाइफोर

नख 'रनि साफ्रोमबो  
सोद्रोमाफोरनि आधार कार्ड

एमजिएनरेगा जब कार्ड

आधार लिंक थानाय बेंक  
एकाउन्ट

जायखि-जाया अजद/सोंथिनि थाखाय



अन्नानै कल खालाम  
1800-123-235600

#### जायफोर सुबुंफोरा गिबियै खाबु मोनगोन

- आरुय गैजायै नख 'र
- गोखि सुबुंफोर एबा गुबुननि सायाव सोनारनाय
- दाखोर-दाला गारग्रा सुबुं
- ट्राइबेल हारिनि सुबुं
- 

#### जायफोरा गाहायाव होनाय हारेंथाइआव गोग्लैयो बिसोरो आर'ज खालामनो नाडा

- जायफोर सुबुंफोरा पाक्का न' दंखायो / पिएमएवाइ-जिनिफ्राय मुलाम्फा मोनखानाय
- गंधाम/गंधै साखा थानाय गारि गोनां
- आबादारि आगजुफोरनि खबथाम/खबत्रै साखानि गारि गोनां
- जायफोर 50,000 रं एबा बेनि बांसिन क्रेडिट लिमिट थानाय किसान क्रेडिट कार्ड गोनां
- नख 'रआव जायखि-जाया सासे सोद्रोमाया सरकारि मावफारिया गोनां
- सरकारजों रेबथुमजानाय आबादारि नडै फालांगि गोनां नख 'र
- नख 'रनि जायखि-जाया सोद्रोमाया दानफ्रोमबो 15,000 रंनि बांसिन आरजिग्रा
- आय एबा खाजोना होग्रा नख 'र
- 2.5 एक्कर एबा बेनि बांसिन दै जगायग्रा गोनां हानि बिगोमा आरो 5 एक्करनि बांसिन दै जगायग्रा गैयै हानि बिगोमा

साखिफोरजों जायफोर सुबुंफोरा सार्भे खालामजादों आरो सार्भे खालामजानो गोसो नाथाइ जब कार्ड गैजाया बिसोरखौ थाबैनो साखाथिनि जिपि/ब्लक मावखुलिफोराव थांनानै जब कार्डनि थाखाय एप्लाय खालामनो खावलायो

पन्चायत आरो गामि जौगाखां बिफान, आसामजों फोसावजानाय